

宋

會

要

全唐文

宋會要 勸農使

勸農使

字勸課農桑之事

太宗至道二年七月太常博士直史

館陳靖上言天下多廣土流移之民衆謂置使招集給

以田種條上興勸功利太宗謂宰臣曰秦滅井田置阡

陌經界廢而兼并作遂使普天之下蚩蚩吐吐吐迄至

今日貧富不均而禮節不復者良由是也朕以涼德獲

臨大寶思欲革百王之弊立一朝之法復古道而康下

民晝夜思之未嘗暫輟前後上言農田利害者多矣皆

是知其末而暗其本有其說而無其用唯陳靖此奏頗

究根源舉而行之頗契朕意宰臣呂端曰靖見在外候

大興卷六  
一又卷二  
三年三百  
一  
以有者  
寫使數

對即時召見帝再三獎諭仍令賜食而遣之他日帝語及靖奏呂端曰上失其道民散久矣今靖所立田法改更舊制非一加又大費錢幣應須下三司議帝善之委鹽鐵使陳恕及副使於部內僉選判官各一人與恕靖等會議務令論講貫以極理道。八月以靖為勸農使往行陳穎蔡襄鄧唐汝等州墾田以大理寺丞皇甫選光祿寺丞何亮引之選等上言以為功難成願罷其事帝初不從猶詔靖經度未幾三司議以為費用官錢多萬一水旱恐遂散失帝重違羣議寢之。十一月六日詔勸農種藝素有定規如聞近年多不率職非所以副宰字之寄厚衣食之源宜令諸路轉運使申飭令佐勸

民裁種。真宗景德三年二月詔諸路轉運使副開封府知府及諸道知州刺史少卿監已上並兼勸農使其餘知州軍通判等並兼勸農事仍令自今除授依此施行。天禧三年十一月中書門下言諸路租賦欺隱至多官私土田侵冒亦甚欲條貫畫一專委逐處提點刑獄朝臣管勾從之。四年正月詔改諸路提點刑獄為勸農使副兼提點刑獄公事所至取州縣民版籍視其等稅科有不如式者懲之勸卹耕墾招集逃亡檢括隱稅凡隸農田事並令管勾仍各賜農田教一部常使遵守。八月詔諸路勸農提點刑獄官自今奏事緣戶賦農田則書勸農司刑獄格法則書提點刑獄所又詔自

今逐年兩稅版籍並仰令佐躬自勾鑿點勘新收舊管之數民有典當<sup>青</sup>析戶者驗定舊稅明出戶帖勸農使按部所至索視帳目其縣官能用心者批歷為管<sup>錄</sup>當議升獎時上封者言諸州民版止委吏人失於勸驗移易稅賦多不<sup>稅</sup>均等故有是命詔前敕諸路勸農使所至究民間疾苦<sup>稅</sup>帳籍慮其因緣取索受民越訴以擾民人眾宜令使副常切鈐束更不得妄有行遣呼集民人其籍掌不整止得移牒索視論訴公事並依舊次第陳狀如已經州縣轉運使不行者並即時盡公處理所置曹典勿得過提點刑獄司數。四月二十二日利州轉運使李防請雕印四時纂要齊民要術付諸路勸農司以勉

民務使有所遵用真宗善之即詔雕印四時纂要齊民  
要術二書賜諸道勸農司。十一月今勸農使兼舉刑  
獄官自今以提點刑獄勸農使副為稱。乾興元年五  
月仁宗即位詔許慶州路提點刑獄勸農使副盛京趙  
文蔚每歲一至歸州省視家屬。仁宗天聖四年三月

六日勸農使副中書門下言累據臣僚上言國家勸農使副轉運使臣言  
點刑獄司合勸農一司更不用置司勸農使副行遣常勸農使副親體量

民間疾苦凡干租稅徭役科買物色及諸般事有未便  
於民者畫一條奏如何擘畫即得便濟當議詳酌施行  
及自今體量諸縣令佐如有整葺得稅減息流亡不擾  
民戶政治可稱者以聞即不得避事不言其轉運提刑

績

關  
封

卷六十一

三

司合提舉公事仍仰區別州郡理與不理之處不得一例行遣別致妄外煩擾從之。明道二年十一月二十八日天章閣待制知應天府陳執中言乞今後應差權知河南府河南府應天府並令兼充畿內勸農使從之。至和二年七月詔如聞河東戶役唯課桑以定物力之差故農人不敢種植而絲蠶益薄宜令轉運使勸植之仍自今毋得以桑數定戶等

宋會要 唐虞 鹽鐵使

陳恕自河北營田使知代州葺城壘戰具太宗知恕有心計名為鹽鐵使

韓世忠紹興十年以宣撫兼營田大使

營田使



全唐文 發運司 催綱司

宋會要

計度轉運司

神宗正史職官志制置發運司並使副或判官二人提點刑獄司提點官一人提舉司提舉官一人各分路列職掌按察官吏之事轉輸淮浙江湖賦入之物以供京都收摘山煮海鼓鑄之利以歸公上而總其漕運之事則隸發運司 三門白波發運司有催促裝綱各二人以京朝官三班充河陰至陝州自京至汴口催綱各一人並以三班以上充廣濟河都大催綱一人以京朝官充後改為輦運司許汝石塘河催綱二人以京朝官三班充御河催綱一人以三班充提轄官二人以安利永

靜二軍知軍兼充分轄緣河州縣汴河至泗州催綱三  
人以三班或內侍充皆分地而領之蔡河撥發一人以  
朝臣或三班充又江南兩浙荆湖皆以三班為撥發諸  
州又有監裝卸斛斛官一人或二人以京朝官三班幕  
職州縣官充英宗治平三年六月詔發運司勾當公事  
傅永兼催發鹽綱 神宗熙寧元年七月二十五日詔  
虞部郎中知河陰縣張宗道虞部員外郎發運司勾當  
公事傅永並專切催遣自京所撥赴河北糧綱 熙寧  
三年八月二十六日詔蔡河撥發隄岸斛門公事等今  
後並隸都大制置發運司提舉管轄 紹聖元年九月  
七日戶部言發運司狀每年上供額斛及府界南京軍

糧動以萬計止管汴河一百七十餘綱須裝卸行運之  
速乃能辦集其汴綱在京等處卸糧多有少欠綱分依  
朝旨並批發下裝發處折會結絕而從來未有立定日  
限備償明文欲並依京東排岸司一司式立限備償若  
裝發處不便結絕自依元祐八年秋頒敕條斷罪從之

元符元年四月二十三日戶部言發運司奏歲額帳  
狀乞限次年九月終撥發輦運司限六月終從之二年  
二月六日吏部言發運使張商英奏乞罷真楊楚泗州  
監倉門料面官四員置延轄綱運官四員從之三年

二月二十四日刑部言荆湖北路提點刑獄司中檢準  
治平二年三司使韓絳等奏使臣管押汴河糧綱若於

綱運內有過犯並委三司發運司取勘罰贖又準元祐  
七年敕小使臣在官處犯公罪杖以下並本州斷發其  
應斷罰而所犯情輕者申提點刑獄司委檢法官看詳  
又準紹興五年敕諸押綱小使臣犯笞罪批上行程至  
卸納處排岸司點檢在外就近送轉運或發運輦運撥  
發司施行今看詳治平朝旨係專言渭汴河綱使臣即  
不言諸路押綱使臣有相合依是何條令尋送大理寺  
參詳今據本寺狀治平朝旨既係一司專條外其諸路  
押綱使臣雖依紹聖五年敕今排岸司點檢送轉運司  
行遣如所犯情輕者除發運司合依本司專條勘罰外  
其轉運輦運撥發司即亦合關報提點刑獄司依條看

詳當否施行從之 徽宗建中靖國元年七月十七日  
戶部狀準都省批送下發運司契勘諸路合起上供錢  
帛斛斗內年額錢依條分作兩限封樁起發及紬絹物  
帛並限歲終起發如起發違限并不足許發運司牒都  
路提刑司取勘令相度諸路合起年額上供兩限起發  
上限七月終真揚州排岸司拖照起發月日申發運司  
下限歲終并上供錢及六路轉運司年額斛斗湏管依元條限次  
逐限內樁起了足如違并不足並從本司申尚書戶部  
下本路提點刑獄司先行取勘轉運司人吏所有合干  
官員即依元條施行從之 崇寧三年八月十三日江  
淮荆浙等路發運司奏契勘本司總轄東南諸路內兩

浙路每年合起上供歲計糧斛錢帛萬數浩瀚比之其  
他路分數目最多及有福建路合起上供錢帛綱運不  
少盡皆經由兩浙團發從來未有專置催轄綱運官數  
內自江州至荆岳州催轄綱運官一員移於兩浙自潤州  
將江州至荆岳州催轄綱運官一員移於兩浙自潤州  
至衢州以來催轄綱運於蘇州安置解宇所有應緣諸  
般約束事件並依催轄綱運官已得旨揮施行從之  
政和三年三月四日尚書省言訪聞東南諸路綱運往  
往汭流州縣注泊蓋緣關人牽轉多被合干人等盜賣  
或致散失有妨都下指擬使用詔令汭流州指揮逐地  
分縣令佐及催綱官司巡尉捕盜等官遇有綱棧輪那

一員躬親前來巡防照管出界處交割立便趕趁前來如委闕人兵牽轉即仰所屬官司那差廂軍或不足仰於本地分清河內差刷相兼應副又不足即一面支轉運司錢和雇人夫牽拽訖申知本司不管少有注滯仍仰逐地分官司纔候趕趁訖申尚書省八日中書省尚書省檢會政二年十二月十三日敕今後應押棧使臣殿侍軍大將等如押竹木綱棧送納別無少欠雖有不敷元來徑寸如有綱解大印照驗分明係是元起官物別無欺弊仰所屬一面取會元發本官司認狀外其其管押人聽先次依法推賞如會到別有違礙欺弊不該推賞即行改正依條施行勘會未降上件指揮日前

亦有似此之人理合一體詔並依政和二年十一月十三日朝旨施行 宣和二年八月十六日中書省言勘會東南糧綱為拋失少欠數多近已奉御筆措置罷募土人改差使臣等管押及令經由拖欠路分任責令有合申明事件下項一六路召募土人法罷其兩河糧綱所募土人亦合並罷遵依已降指揮施行一六路罷募土人糧綱并年滿事故等關轉運司已降指揮出關召人指射如過兩月無人指射或雖有人指射不應差注者即具關報發運司召人以上差訖除具職位姓名申尚書省外仍申所屬曹部出給付身或發運司過一月無應入人指射即申吏部又過一月猶無應入人即關



都官差注其資次並依已降指揮一兩河土人糧綱并  
年滿事故等闕輦運撥發司出闕召人指射差訖具職  
位姓名申尚書省外仍申所屬曹部出給付身過三月  
無人指射不應差注者即具闕申吏部又過一月無應  
入人即闕都官差注其資次並依六路已降指揮一管  
押人雖已有副尉指射若定差未了間却有校尉以上  
人願就者自合先差校尉等今來所罷土人候差到人  
交割訖發遣歸都官別承差使即不得再押糧綱沿路  
拋欠斛斛除合依已降指揮令經由拋欠路分轉運司  
任責次年依上供條限補發外其六路每年隨正額合  
起酌中補欠數目自合依舊起發候次年經由拋欠路

分補發到京如實補發到數目過于本路隨正額令起酌中補欠之數即將剩餘除一兩河拋欠斛斛其經由路分任責補欠置籍等亦合依東西直達綱已降旨揮施行內拋欠斛斛並令地分官司京東輦運司蔡河撥發司置籍一經由京畿地分如有拋欠緣京畿別無上供斛斛自合據合補數目於外路起到應副本路網內依數改撥補發上京一提轄文臣已立拋欠分釐責罰其檢察武臣亦合依此一土人如為已有替罷指揮輒敢作過偷盜糧斛拆賣舟船仰所在官司常切覺察具違犯申尚書省法外重行斷遣從之 五年五月十二日詔令呂綜胡直孺東南六路轉運輦運撥發司

官限指揮到據未起斛斛數目躬親嚴緊催督須管日  
近擁併相繼起發到京其已起在路數目亦仰催促沿  
路經由州縣及催綱等官司速行遞相趕發兼程前來  
尚敢違慢以違御筆論六月二十五日發運使副呂宗  
陳亨伯奏準尚書省劄子權知宿州林麓奏發運司利  
害及管見十事劄付臣等照會數內第二十二項自行  
直達每路並差提轄官一員今來復行轉般所有湖南  
湖北江南東西四路提舉官合與不合減罷取自朝廷  
旨揮倉部勘會東南六路提轄官昨緣直達朝廷降指  
揮差置今來雖江湖四路復行轉般其逐路有合發斛  
斛萬數浩瀚并係在京指擬支遣數目見不住裝發綱

運直達上唯藉提轄官往來檢察催督今勘會江湖四  
路提轄官候發運司有收糴到或可代發斛斛奉行轉  
般日即行發罷本部勘會諸路提轄綱運官淮浙各兩  
員江湖四路各止一員依法自本路至國門往來催促  
綱運檢察違滯近發運呂涑陳亨伯措置轉般書一內  
一項申明江湖四路提轄官係直達差置合與不合減  
罷已承旨揮候發運司有收糴到或可代發斛斛奉行  
轉般日發罷及發運司勾當公事官陳亨伯稱係諸般  
差委及間有朝旨令分委勾當今來林麓所乞每歲分  
輪提轄官於界首取索驅磨行程及乞每歲輪差發運  
司勾當公事官於拱州取索行程驅磨事理即有礙元

條及妨闕勾當委是難行外其陳亨伯乞今後提轄官  
並依法自本路至國門往來催促綱運發運司常切檢  
察如每歲不見往來經由真揚楚泗致綱運於本路及  
他路往滯偷盜數多聽發運司於所部選承務郎以上  
清彊官對移或乞令具事理申尚書省差官替罷事理  
施行並從之九月五日戶部奏荆湖南北路剗刷大理  
錢帛趙庠申勘會荆湖南北路諸州軍起發上供錢物  
有畸零數少去處依條般往近便及泐流去處州軍團  
併成綱起發上京限十日轉發違限杖一百今團併州  
軍承他處起到錢物如不依限交收轉發欲望立法約  
束及許管押人越訴戶部看詳欲依趙庠所乞如他州

或別路起到錢物限次日交收仍乞立法施行諸路准  
此從之 七年三月二十日江南西路轉運判官高述  
奏本路宣和七年合起發上供額米一百二十萬八千  
九百石依近降筆處分般至淮南下卸依條分三限內  
第一限二月計四十萬二千九百七十石本司牒諸州  
縣計置起發今據申已發過四十一萬九千六百十一  
石九斗八升前去淮南下卸內已充足第一限合發米  
數外又攬發過第二限米壹萬陸千陸百肆拾壹石玖  
斗捌升已具綱名細數申尚書省去訖詔高述項以事  
罷司旋命復職今能脩舉漕計今春上供肆拾餘萬石  
已足上限繼運下限亦起發奉法修職可特除直祕閣

以勸諸路奉公之吏

全唐文

宋會要

三門白波黃渭汴河催促裝綱官二人以京朝官三班  
充河陰至陝州自京至汴口催綱官各一人並以三班  
充廣濟河都大催綱官一人許汝石塘河催綱官二人  
並京朝官三班充御河催綱一人汴河至泗州催綱官  
三人並以三班或內侍充皆分地而領之 真宗大中  
祥符四年八月詔復置廣濟河催綱朝臣是職舊命常  
參官近歲省去止用使臣而州郡皆不承稟故復之  
八年七月詔三班院自今諸河催綱巡檢並選曾經監  
押巡檢殿直幹事者充初三班侍禁李世隆為蔡河撥



發兼巡檢捉賊真宗曰世隆年方二十五未經厯又上封者屢言催綱捉賊多差權勢子弟故條約之九年五月十五日詔黃汴廣濟石塘河催綱巡河京朝官使臣自今每歲許一次入奏三門白波發運使判官每歲許二人更番入奏仁宗天聖三年正月三司言廣濟河催綱太子中舍成瑩到任二年催綱斛斗伍十六萬貳千陸百餘石比前界甚有出剩乞降敕書獎諭從之慶厯三年十二月省潮御河催綱官四年三月省廣濟河催綱朝臣一員仍減歲漕軍儲貳拾萬碩英宗治平三年三月三司言許汝州石塘河催綱屯田郎中徐說請令押綱人員除係拋失少欠諸般過犯申送

赴省其餘只本司施行勘會石塘河催綱司所管綱船  
不少乞令依蔡河撥發司并廣濟河例如有押綱軍大  
將犯笞罪許令本司勘決訖申省杖罪<sub>已</sub>上依舊條施  
行又稱所管綱船其人員綱官多不用心鈐轄稍工愛  
護舟船容縱偷賣釘鉤動使遇有損壞相驗不堪脩補  
遂恣拆拽散失今後乞據少數估價令人員綱官承認  
陪納欲依所申并諸河綱船准此從之 哲宗元祐二

年正月二十五日左諫議大夫兼權給事中鮮于侁言

蔡河撥發綱司督京西淮南糧運以供畿內半歲不能

周一運請令催綱司統按縣道立賞罰使人自為功從

之 政和五年七月九日祠部員外郎胡獻可奏士人

管押綱運若不立定理界年限輕重等第更互交押委  
是勞逸不均今相度欲乞應募士人路分綱運窠名輕  
重及理界年分并理運數並依自來都官差副尉條法  
施行候界滿日令更互管押從之

宋會要

茶運使

太祖乾德二年二月以吏部郎中何幼冲充京畿東面  
水陸發運使

宋會要

景德二年五月以崇儀副使李溥制置淮南江浙荆湖  
茶鹽礬稅兼都大發運使時新易權茶法故專任溥以  
集其事八月以大理寺丞李渭為太子中舍充黃河三  
門發運使三年二月以虞部員外郎馮亮為度支外  
郎淮南江浙荆湖制置茶鹽兼都大發運使賜金紫

宋會要

太平興國五年正月命右贊善大夫姚沆為陝西三門

發運十月命太子中允劉順監三門發運務八年九月  
以儒州刺史許昌喬洛苑使演州刺史王賓同知水路  
發運軍器庫使領順州刺史王繼昇駕部員外郎劉蟠  
同知陸路發運先是每歲運江淮米四五百萬斛以給  
京師率用官錢僦牽船役夫頗為勞擾至是每船計其  
直給與舟人令自召募甚以為便既而舟數百艘留河  
津月餘不得去計史自言有司除常載外別科置皮革  
赤煙鉛錫蘇木等物守藏者不即受故也太宗怒奪三  
司使一月俸分命昌喬等領水陸發運自是貢輸無滯  
也

宋會要

景德三年發運使李溥奏請取十年酌中之數為額故六路上供六百萬石其後或增或減然其大約以景德所定歲額為準

宋會要

天禧二年二月以崇儀使高州刺史賈宗領昭州團練使淮南發運副使殿中侍御史薛奎為戶部員外郎並充淮南江浙湖南北路制置發運使內殿承制閣門祇候郭盛為如京副使充都監

宋會要

仁宗明道二年六月三日內侍鄧守恭上言自今制置發運使副都監令並滿三年從之 景祐元年十月五

日詔罷江淮發運使以其使黃總為淮南發運使與吳  
遵路同兼發運司事所有制置茶鹽礬稅令逐路轉運  
使副兼領之 二年四月二十九日中書門下言近省  
罷淮南江浙荆湖等路制置發運司其公事令淮南轉  
運司兼領輦運上京斛斛專委逐路轉運司各認年額  
起發尚慮逐路不切趁辦致虧元數欲下淮南及逐路  
轉運司並須公共計置依元額上供不得虧少有悞支  
用如違并干繫人吏置之法從之 五年八月詔復置  
江淮發運司以兵部郎中直史館楊日嚴為淮南轉運  
使度支郎中楊告為淮南江浙荆湖制置茶鹽礬稅都  
大發運使提點鑄錢事其提點鑄錢兼轉運判官周陵

令赴闕合行事件三司限十日擘畫條奏以聞先是詔罷制置發運鑄錢事令淮南轉運兼領發運茶鹽礬稅各歸逐路轉運復置判官一員鑄錢亦別設官上言者屢稱不便故復置焉 康定元年五月一日中書門下言近差天章閣待制蔣堂充江淮等路發運使其淮南兩浙江南東西荆湖北路轉運司自來凡有發運司文牒移易錢帛逐路多占留欲令自今公共應副務從辦集從之 慶厯元年七月以三門白波黃渭汴河發運使梁吉甫兼汾洛河發運應副陝西轉運司輦運糧草七年七月二十八日以江浙等路發運判官主客員外郎許元為發運副使更不置正使



宋會要

皇祐四年二月帝謂輔臣曰比以東南災傷之餘民力  
匱乏嘗令江淮發運司減上供百萬斛今發運使施昌  
言許元乃欲分往兩浙江南調發軍儲是必誅剝疲民  
求羨餘以希進爾宜約束之因詔昌言等遵前詔毋得  
輒有科率 五月詔江浙制置發運司諸路轉運司仍  
舊以公牒往來先是發運使許元欲廣收羨餘以媚三  
司憚諸路不從請以六路轉運司自隸而皆令具公狀  
申本司既而轉運使多論列於朝故罷之 十一月諫  
官韓贇言發運使舊例雖嘗入奏不聞逐次改官乞今  
後每歲更不許赴京師奏事只差人附奏年額足數詔

發運司今後押米至京城外更不朝見 英宗治平二年九月二日詔今後發運使押米運到京城外如的有要切公事須合朝見敷奏即奏候朝旨如許朝見候奏事便辭不得看謁 三年六月以國子博士傅永為淮南江浙荆湖發運司勾當公事從三司奏置也三司乞委本官專點檢諸州軍糴納并轉般倉卸納及自裝發至京下卸常往來覺察綱運中姦弊仍求其利害奏請依時往山場按點鹽貨催發鹽綱 自熙寧初釐正監司所治之職罷武臣為提點刑獄總其新法置提舉司位敘資級視轉運判官遂與提點刑獄轉運發運副使及使定為遷格而蔡河撥發司廣濟河及汜水輦運司

各掌漕事哲宗正史職官志云撥發司輦運司各掌以時起發綱運而督其滯留以供京師之用也提舉解鹽司掌鹽禁次提舉官哲宗正史職官志云從舉制置解鹽司掌鹽澤之禁令使民入粟塞下予鈔給鹽以足民用而實邊備凡鹽價高下及文鈔出納多寡之數皆掌之也提點鑄錢司掌鼓鑄泉貨視提點刑獄哲宗正史職官志云提舉坑冶司掌收山澤之利或鼓鑄泉貨以給邦國之用凡地利所入及鑄錢歲有定數視其登耗而賞罰之其選用人材則必求望實或上親擇焉哲宗正史職官志云天下總二十三路京東東路州八軍一路三十七京東西路府一州七縣三十五京西南路州

八縣三十京西北路府二州七軍一縣四十河北東路  
府一州十有二軍四縣四十河北西路府一州十一軍  
四縣五十三永興軍路府二州一十五軍一縣八十三  
秦鳳路府一州一十二軍三縣三十八河東路府一州  
十五軍六縣七十三淮南東路州十縣三十七淮南西  
路州八軍二縣三十二兩浙路州一十四縣七十九江  
南東路府一州七軍二縣四十八江南西路州六軍四  
十七荆湖南路州七監一縣三十四荆湖北路府一州  
十縣四十七成都府路府一州十二監一縣五十八梓  
州路州十一軍二監二縣四十九利州路府一州九縣  
三十九夔州路州九軍三監一縣三十福建路州六軍

二縣四十五廣南東路州十五縣四十廣南西路州二  
十三軍三縣六十四每路置轉運使品秩高為都轉運  
使轉運使副使判官提點刑獄公事提舉常平等事准  
南江浙荆湖路有都大發運使或副使判官各置勾當  
公事或管勾文字內提刑司置檢法官係保甲及射地  
弓箭手路分有提舉保甲司掌什伍其民而教之武藝  
視其優者而進賞之提舉弓箭手司掌治邊郡縣射地  
弓箭手之籍及團結訓練賞罰之事成都府等路有提  
舉茶馬司專掌摘山之利以佐調度凡市馬於蕃夷者  
率以茶易之凡產茶及市馬州郡官屬得自辟置視其  
數之登耗以詔賞罰產銀銅路分有提舉坑冶司永興

軍有提舉三白渠公事掌開濬三白渠以給關中灌溉  
之利焉熙寧二年七月十二日詔江淮等路發運使薛  
向赴制置三司條例司議事十七日制置三司條例司  
言竊觀先王之法自王畿之內賦入精粗以百里為之  
差而畿外邦國各以其所有為貢及為通財移用之法  
以懋遷之其治市之貨賄則亡者使有害者使亡市之  
不售貨之滯於民用則使為斂之以待不時而買者凡  
此非專利也蓋聚天下之人而治之則不可以無財理  
天下之財則不可以無義夫以義理天下之財則轉輸  
之勞逸不可以不均用度之多寡不可以不通貨賄之  
有亡不可以不制而輕重斂散之不可以無術也今天

下財用窘急無餘典領之官拘於弊法內外不以相知  
盈虛不以相補諸路上供歲有定額豐年有餘可以致  
而不敢贏年儉物貴艱於供億而不敢不足遠方有倍  
蓰之輸中都有半價之鬻三司發運使按簿書促期會  
而已無所可否增損於其間至遇軍國郊祀之大費則  
遣使剗剗殆無留藏諸路之財平時往往巧為伏匿不  
敢實言以備緩急又憂年計之不足則多為支移折變  
以取之民納租稅至或倍其本數而朝旨百用之物多  
求於不產貴於非時富商大賈因得乘公私之急以擅  
輕重歛散之權臣等以為發運使實總六路之賦入而  
其職以制置茶鹽礬酒稅為事軍儲國用多所仰給宜

假以錢貨繼其用之不給使周知六路財賦之有無而移用之凡糴買稅斂上供之物皆得從貴就賤用近易遠令預知在京庫藏年支見在之定數所當供辦者以得從便變易蓄買以待上令稍收輕重斂散之權歸之公上而制其有亡以便轉輸省勞費去重斂寬農民庶幾國用可足民財不匱矣所有本司合置官屬許令辟舉及應有合行事件令具條制以聞下制置司參詳施行從之先是王安石數為上言均輸法於是即令薛向領之上曰須入銜否安石曰但委之以此事又何須入銜也九月二日詔今後淮南等路制置發運司如有合奏稟事件許使副一員乘遞馬赴闕八日淮南轉



運使薛向言乞下三司及提舉司取索在京諸司庫務  
每年係六路出辦上供物色若干名件數目每年合支  
今來見約支得多少年月外有無關乏之物及每年計  
置若干數目逐年預降本司以憑契勘施行從之 三  
年六月十八日手詔中書門下薛向等所總東南諸路  
財利創事之始實籍所詣官吏遠近應接方可集辦近  
雖累曾指揮如向等奏辟官吏並與應副尚恐有合入  
遠官朝廷引條不行可今後如有上項礙條之人特與  
差任滿如無勞績即復注遠官 八月二十七日淮南  
發運使薛向言近奏舉職方員外郎張穆之虞部員外  
郎李文卿開封府兵曹參軍張渙權管勾本司公事及

淮備差遣勾當今來收受裝發已成倫序欲乞並差充  
本司勾當張穆之仍乞與理運判資序從之張穆之候  
一年職事修舉即具保明聞奏 九月五日詔舊制發  
運使副到闕不得出入自今除去先是手詔發運使薛  
向甚知環慶城寨地形子細可召赴中書詢訪因有是  
詔 四年正月二十三日詔江淮發運司將淮南兩浙  
荆湖六路州軍并京東轉運司封樁茶本租稅錢相度  
兌易金銀綿絹上京 八年九月中書門下言欲乞發  
運使副除所管錢物斛斛就賤處入買貴處糶賣或就  
近便計置點檢綱運鹽礬事及諸官吏因本司事有違  
法者許糾舉外其餘事並不得管勾仍以江淮荆浙

等路制置鹽礬兼發運使副使繫銜從之 閏五月十

九日詔累降處分令淮南兩浙江東西湖南北及京西等路措置和糴並未見諸路奏到措置糴買就緒文狀仰諸路漕臣及撥發輦運司月具各項已糴未糴已起數目中尚書省近緣應副陸運降見錢三十萬貫在淮南椿管除已支五萬貫外可盡數令陳亨伯速行拘收均與諸路品搭見用錢物文抄收糴內東六路仍委亨伯專行總領措置 六月十一日詔江浙屬者遭賊焚劫衢州被害尤甚將來興緝當藉他州財力徽州新復之邦有曰昧於經營近者肆違詔條輒有科配總置兩路宜得其人可選委陳亨伯以大漕職事經制兩浙江

東路江淮荆浙福建諸司財許聽亨伯移用七路監司  
州縣官除廉訪所外並聽亨伯按察州縣闕官及不可  
倚仗之人令於所部見任待闕寄居官內不拘常制差  
委訖申其餘事合奏稟者聽旨次申尚書省餘許亨伯  
隨便宜施行仍於杭州置司限十日起發前去應合條  
畫事件疾速條具以聞亨伯自庶官遽進延閣自當竭  
節盡瘁圖報大恩近降雨浙江東路各添置漕臣一員  
指揮更不施行 七月三日淮南江浙荆湖制置發運  
使經制兩浙江東路陳亨伯奏開具合條畫事件如後  
一今降御筆七路監司州縣官除廉訪所外並聽臣按  
察臣欲乞七路監司州縣官應緣經制兩路事件於臣

並用申狀如有弛慢違戾合行按劾者許臣先次選官  
對移所有人更許臣勾追勘斷內尤甚者勒罷一大臣  
太中大夫武臣觀察使以上及監司提舉鹽香市舶廉  
訪使臣欲乞許臣謁見外其餘惟許受謁一契勘七路  
州縣經涉大江重湖所有財計須遣官屬授以經畫分  
頭前去點檢剋剋督促般運事務至煩地里遼遠臣欲  
乞差勾當公事十員於所部見任待闕寄居文武官內  
不拘常制差委訖申並理為在任月日內見任官支本  
任請俸待闕寄居支前任或新任請給外並給驛券一  
道一今來兩浙路殘寇未盡臣出巡措置往來道路合  
要兵甲防護臣欲乞計於浙東西安撫司合選差禁軍

一百人并隨身衣甲將帶隨行一今來將帶發運司人  
吏將校兵級往來兩路事務至煩道里遼遠欲乞添枝  
兵錢兵級每月十二貫人吏十貫貼司客司六貫將每  
日支一百文兵級五十文係省錢內支一經制兩路行  
遣文字煩冗臣欲乞於所部州縣選差慣熟人吏五名  
每月支食錢六貫文於係省錢內支一今來經制兩路  
事有機密臣欲羞臣男宣義郎通判蘄州軍州事鉅充  
書寫機密文字所有人從請給驛券船馬及理為在任  
並依所差勾當公事官體例施行一今來經制兩路一  
行官屬及所至州縣與官吏商量會食之要公使錢臣  
欲乞節次於所部州縣諸司頭子錢內支二千貫文其

合用酒於所部州軍公使酒庫寄造或撥買一所差官屬及七路州縣官吏能悉心盡瘁勞能顯著者臣欲乞先次具狀奏聞特推恩賞或外擢差遣詔每路各差勾當公事官一員內待闕寄居官許隨本資序支破請給乞別給驛券仍依政和條令施行人吏等食錢職給每月支給十貫人吏八貫貼司客司五貫州縣人吏三貫公使錢支一千貫餘並依所奏 十一日詔已降親筆處分選委陳亨伯就以大漕職事經制兩路所務安輯郡縣寬紓民力仰亨伯嚴切約束所差官吏隨行兵卒等不得妄張聲勢搔動州縣所至坐費祿廩所有迎送供饋筵會等並行禁止應移用財計並須存留逐處實

合用數目不得盡行撥致誤彼處調度內應副財用  
辟差官吏止為被賊州縣其非被賊州縣自不合泛有  
應副及行差辟除已許辟置屬官外仍不得別作名目  
差委州縣官如違以太不公論 四年六月九日中書  
省尚書省言契勘今歲東南六路豐稔米價低平可以  
乘時收糴起發應接支用詔令權貨務給降香藥鈔五  
十萬貫并給降承節郎承信郎告將仕郎補牒州助教  
敕計價五十萬貫文付發運副使呂綜措置隨豐熟次  
第分拋與六路和糴斛斛逐旋具已糴數目中尚書省  
四年五月二十一日都省言檢會熙寧八年五月發  
運使副兼制置茶鹽礬等事繫銜當年八月發運使罷



制置茶事及以江淮荆浙等路制置鹽礬兼制置茶事  
當年十一月發運司申請以制置鹽礬為專職而發運  
使副為兼領輕重頓異乞却以江淮荆浙等路發運使  
兼制置鹽茶事繫銜緣發運司見今帶制置鹽礬茶事  
勘會茶鹽事已專差官提舉發運司更不令兼領從之  
二十九日戶部尚書曾孝廣奏天聖中發運使方仲  
荀奏請廢真楚州堰為水閘自是東南金帛茶布之類  
直至京師今真楚州共有轉般七倉養吏卒糜費甚大  
而在路折閱動以萬數良以屢載屢卸故得因緣為姦  
也臣欲將上供斛斛並依東南雜運直至京師或南京  
府界却納庶免侵盜從之 元豐元年十一月二十三

詔江淮等路發運副使蹇周輔兼提舉措置福建路賣鹽及賊盜事 六年閏六月七日梓州路轉運副使李琮罰銅二十觔坐前任江淮發運使因奏計乞住煎池州疎礬而池州實自嘉祐六年住煎也 七月九日尚書戶部言江淮等路運使蔣之奇奏諸路欠本司錢約二百萬緡若朝省不主張則其錢皆不肯償乞本司申理諸路欠負錢物並負朝省錢物從之

宋會要

宣和元年十二月二十六日制置發運副使董正封奏伏覩元豐二年賜發運司糴本錢令乘時糴穀其後接續借賜錢共三百五十萬貫逐年收糴斛斗代發諸路

見今欠計七百五十萬昨准大觀元年五月九日朝旨  
每一百萬貫每年帶起三釐一百萬以下帶起五釐已  
令提刑司拘收封樁今年復行轉般綱運臣欲望睿慈  
檢會特賜本錢三二百萬貫以備赴時收糴代發諸路  
額斛如蒙俞允則乞於九路茶本錢內取撥如不足則  
乞朝廷應副今具昨罷轉般後來拘收到發運司錢斛  
下項大觀二年十一月十二日勅真楚等州見管發運  
司斛斗共九十三萬八千七百四十九石奉聖旨令來  
年起發上京 大觀二年十二月二十四日勅諸處見  
管發運司錢共五十五萬九千八百餘貫奉聖旨並起  
發上京赴大觀庫送納 大觀三年正月二十六日勅

東南六路借欠過發運司米斛七百五十八萬三千餘石共止還到三十一萬八千餘貫石乞發赴朝廷送納其諸路借過斛斗隸提刑司催督封樁詔依違者依上供法 大觀三年四月十六日馮朴劄子發運司羅本錢節次賜到二百五十萬貫奉聖旨仰提刑司並行封樁 大觀三年五月十一日發運副使龐寅孫劄子乞量留錢一十萬貫擬備緩急支用奉聖旨許留二十萬貫詔令發運司拘收仍令董正封與龐寅孫同共開具已交割的實數目申尚書省 同日發運副使龐寅孫奏契勘本司見無斛斗準備代發充諸路歲計乞許於江東兩浙淮南路提刑提舉司封樁錢內共撥賜一百

萬貫應副本司趁來年乘時糴買斛斗準備代發充辦  
年計如不足即令江西湖南北路提刑提舉司封樁錢  
內應副所貴來年復法職事早得辦集從之 四年二  
月十二日發運副使龐寅孫奏六路豐年有望欲乞候  
將來成熟日依大觀三年指揮令諸司於朝廷封樁錢  
內各撥二十萬貫趁時收糴不獨為六路轉運司將來  
上供歲計指準足辦可以抑無并平物價實為公私之  
利詔依共不得過五十萬貫 三月三日發運副使龐  
寅孫奏六路去歲災傷檢收稅苗不少深恐有誤軍儲  
大計今相度今年六路歲額如委實少闕斛斗欲乞據  
數令轉運司依崇寧五年八月二十八日詔先撥見錢

於諸司見斛斗等內依兌時市價對糴起發如轉運司  
樁錢未足即本司一面對糴代為起發從之 十月九  
日詔東南末鹽并六路額斛近已復興熙豐舊法各許  
截撥合赴元豐庫送納錢充鹽本糴本支使 同日詔  
東南六路額斛近已罷直達復行轉般之法檢會今年  
戶部印給見錢公據一百萬貫付發運司盡充糴本近  
據王疇奏稱東南客旅多是要販行貨入京少有在外  
領公據入京請錢之人只乞樁撥當十見錢付權貨務  
從本司差官就彼召客旅情願換易小平錢及兌換戶  
部錢許起發上京或正行折充付本司趁時充本糴買  
可令發運司候今來指揮到截日將見在公據細計錢

數差官管押上京赴戶部毀抹據數令崇寧軍樁管見  
錢充本部支用訖却令發運司於戶部應上供錢內取  
撥應副糴買 元豐中以次補發運及千萬軍儲充足  
國用富實比來截撥移用所虧大半自今敢陳請及截  
撥者並以違御筆論 四月二十五日發運副使盧宗  
厚奏恭奉御筆拘收東南九路經制司七色增收頭子  
錢樁還舊欠無額上供贍學鈔旁定帖錢物充糴本數  
內廣福地遠已奉降詔專委逐路提刑就便拘催及委  
廉訪使者檢察外有江淮荆浙六路欲乞依廣福已得  
指揮各委本路提刑管勾令逐州軍通判司錄別具帳  
申提刑司置籍拘催及委逐路廉訪使者檢察以免失

收侵欺移易之弊從之 同日又奏恭奉御筆拘收東  
南九路瞻學錢物契勘州縣房廊所屬官司不切召人  
承賃往往空閑遂致倒塌如泗州在城學屋自宣和三  
年後來節次倒塌三十三間其他州縣例多如此今乞  
立法諸路州軍委自知通點檢根括元管房廊如有損  
壞日計合破用錢物於所收租課內支撥量功力多寡  
立定日限責委當職官起蓋修葺召人承賃所貴不致  
虧損課額又州縣所管田產房廊每年合拘催租課州  
縣並不以時拘催致有拖欠大段數多今欲乞應諸路  
州縣據積欠數目分限二年帶納及年額合催之數並  
依 盧秉進制置發運副使東南饑詔損上供米價以



羅秉言價雖賤貧者終艱得錢請但償糶本而以其餘賑贍是歲上計神宗問曰聞滁和民捕蝗充食有諸對曰有之民饑甚殍死相枕籍帝惻然曰前此獨趙抃為朕言之爾先是發運使多獻餘羨以希恩寵秉言職在董督六路財賦以時上之安得羨者率正數也請自是罷獻獨以七十萬緡償三司通神宗知薛向材以為江浙荆淮發運使綱舟歷歲久篙工利於盜貨嘗假風水沉溺以滅迹向募客舟分載以相督察官舟有定數多為主者冒占番奪昇屬州諸運皆詣本曹受遣以地有美惡利有重輕為立等式用所曹物為誅賞

宋會要

哲宗元祐三年十月三日詔發運使副兼制置茶事四年十一月二十六日尚書省言改立發運預妓樂宴會徒二年法從之 七年三月四日詔諸路發運司勾當公事官依舊存留其管勾文字官留一員餘並減罷仍令勾當公事官兼管勾糶糴斛斛

### 宋會要

元符三年六月三日發運司言今年頭運裝糧上京汴網准朝旨於京岸截撥裝般大行皇帝山陵官物通共截過六十網見管汴網般運不辦而江東西湖南北兩浙西路網見來淮下却欲乞從本司逐急借撥四十網徑發上京充辦歲計更不下逐路轉運司相度從之

徽宗建中靖國元年六月十八日戶部言東南諸路錢  
帛綱運希少乞許從本部選差文臣一員徑往發運司  
催督仍責委沿路州縣及催綱官司星夜催趕到京所  
有先差江湖淮浙等路剗剗大禮錢帛官亦乞令今來  
差官去就近催督從之 十二月二十八日發運副使  
陳祐甫劄子契勘發運司每年管上供備儲六百二十  
萬石係江淮荆浙六路出辦近年以來多有拖欠欲依  
上供錢物許於隔路選官催發庶免闕誤從之 崇寧  
三年九月二十一日尚書省言崇寧中胡師文為發運  
使迎合蔡京之意盡以糴本錢一千餘萬緡充羨餘進  
獻其後因罷轉般倉而逐路轉運司各置直達綱則發

寄華崇宣  
無八年疑

運司已無職事矣猶以催綱為名虛存一司今中原未復而朝廷所取米斛大抵出於二浙諸路綱運自有轉使領之猶循舊例置發運使二員果何謂哉彼發運使者亦知其本無職事不過自請於朝收糴米斛一二十萬聊以塞責而已其所收糴又是抑配編戶之民就非抑配亦一轉運司屬官可辦也伏望詳酌將發運司官吏盡行減罷詔發運司官屬並權罷人吏放散案牘令本司官屬封記內兩浙一司於湖州江東一司於饒州架閣以備照用公使銀器錢物並起發赴行在逐司應干舊來所管職事並令逐路漕司分認管辦八年四月二十二日戶部侍郎李彌遜言祖宗之法有便於國

利於民可行於今者發運一司是也當於經費之外別給釋本數百萬緡復置一司廣行儲積分毫不得取供近用唯以待經遠恢復之須積之一年必見其効三年之間當有一年之蓄加以數年倉廩有豐實之漸田畝有休息之期公私之利不可勝言伏望叅酌利病斷以不疑而力行之從之 吏戶部條具應有本司錢物去處於逐州軍通判或簽判職官內選差主管別置庫眼教屋置厯拘收他司取會不許回報本司應干錢糧諸司不許申明借兌雖奉特旨乞從本司執奏不行並從之 六月十八日詔以徽猷閣待制知信州程邁為江淮荆浙閩廣等路經制發運使 十月十一日詔發運

寄葉崇宣  
老九身疑

使 十月十一日詔發運使司所差和糴官諸司不許  
差出候至限滿本司將諸路所糴米斛每路比較最多  
最虧及有無騷擾濕惡等事開具三兩處糴官姓名保  
明申奏取旨賞罰如所委官違戾稽慢不候限滿先次  
按劾從經制發運使程邁之請也 九年正月十六日  
詔罷發運司其糴買經制等事令戶部侍郎專領三省  
措置先是參知政事李光言發運使本以總六路財賦  
以漕赴中都兵興以來既無轉輸今乃委以糴買本錢  
盡從朝廷給降凡五六百萬緡又以淮南總制司及諸  
路田易市易官軍等錢數又不下數十萬緡此國用所  
以窘也乞罷發運司有旨令三省措置至是三省言欲

除去發運二字只作經制使司差戶部長貳一員兼領別差副使或判官一員不時巡按諸路將見今屬官十員減作六員數內兩員充主管文字四員充幹辦公事從之 大觀元年正月三日制置發運副使吳擇仁奏本司總領東南糧運近年玩習苟簡職事不修綱運敗壞沉失官物臣昔任南轉運司屬官上供一百二十萬計一百一十五綱因子諒王祖道曾減至六十綱歲額數足後來却添至一百五綱般運不辦並無勸沮臣欲乞到任日會計利害召遣官屬商議講究申請立法亦乞奏計日具逐路於綱運比較進呈斷自宸衷賞罰施行 二年八月二十九日詔應諸路綱今來直達各認

船額所在并發運司輒折變拘收改易者以違制論  
三年五月三日淮南江浙荆湖都大制置發運司承朝  
旨起發本司斛斛九十三萬餘石五十五萬餘貫尋勘  
會劄子內坐列錢斛緣其間有係封樁及有別司窠名  
數日本司先次取會到合起錢斛數目係在淮南江東  
兩浙路州軍樁管為舊管淮汴綱並是分撥與諸路直  
達別無綱船起發乞下逐路轉運 十二日呂源又言  
近乞責限江湖路打造糧船二千七百餘隻合用樁梢  
八千餘人欲從本司委官於轄下州軍根刷閑慢窠坐  
廟軍抽差赴本司充樁梢每名與起發錢一貫每日量  
添食錢二十文詔依遇打造到船逐旋差撥即不得預



先差占 十三日詔東南諸路贍軍錢令發運司依應  
拘收一年應副糴買 十七日發運副使呂源言今來  
取索驅磨措置錢物竊慮諸處官司循習作過或以曾  
被燒刮為詞或以軍興支訖為說藏匿案籍避免根究  
合具名奏劾外已許諸色人陳告十分為率二分充賞  
如同作過人自首特與免罪給賞其犯人並依自盜入  
已贓坐罪若所首及萬貫以上除合得賞錢外申奏朝  
廷別加賞典應諸路監司州縣承受本司驅磨措置錢  
物文字並限一日回報如違限承行人吏從本司勾追  
杖一百科斷情重者仍勒停取索干照文字公案亦乞  
依此拘收到錢物逐州專委官主管並乞依本司糴本

錢已降指揮不許借兌移用雖奉特旨或免執奏亦具奏聽旨其官司擅行借支即乞依擅支借常平封樁錢物條法並從之 三年五月十二日戶部侍郎葉份言發運司昨差寄居待闕官往諸路刷糶本錢物等員數根多近已得旨減罷訪聞所差官尚在州縣不行解罷依舊批支請給欲下發運司根究差逐官的實員數勒令罷任如依前冒請給乞從入已贓坐罪從之 十六日添差制置發運使高衛言諸收上供錢各有額定起發期限戶部準擬支用不可少闕近年緣諸般拋買許截上供錢官司因此作弊更不樁發戶部累請不許支截立法甚嚴 昨宣和元年令發運司下六路歲糶米

一百萬石同年額般運赴京師封樁每歲未嘗糴發足數而六路上供斛額分定認起折斛錢自此斛額又將虧少不若住罷歲糴虛名責依格起發上供實効錢斛兩得簡便從之 政和元年三月七日戶部尚書許幾奏發運司兩年合起上供額斛六百七十二萬六千四百餘石未到欲依去年例差官前去真楚州以來計會發運司疾速裝發并催促本路綱船詔差度支員外郎蓋侁以點檢催促額斛綱運為名繼而臣僚上言計置綱運發運之職所差郎官何力之有不過取索鞭撻吏人而已重有煩擾遂不復遣 八月十五日發運司奏諸路合起秣粟米係在京年計如逐路批揀未到許從

本司於逐路起發來上供米綱內揀選批發依條徑發上京却具數關牒轉運司理充本路合徑起祿粟米數詔特許令上供米內揀選一次 十六日戶部狀契勘六路額斛每年須要於本年般足奏計欲乞今後諸路轉運司應承發運司取會糧運事並限三日報違者杖八十從本司關牒本路提刑司取勘人吏如稽滯過一月不報仍許申戶部詳酌事理申取朝廷指揮施行從之 十月四日發運司奏奉詔截上供錢三百五十萬貫充鹽糴本支使兩項共有未截錢一百八十二萬餘貫文欲望許令本司將政和二年諸路上供錢截留從之 十一月二十四日發運副使蔡安特奏契勘東南

六路上供額斛依條合均三限般發限滿不足本州并轉運司官差替吏人勒停臣看詳若或三限各有違欠即一歲之間諸州三易官吏竊慮難行詔出違第一限不及八分轉運司吏人從發運司移文本路就近提舉等司先科杖一百第二限通不及九分准此轉運副使判官各展二年磨勘第三限不足即依見行條法施行如限內率先敷足其官吏保明申朝廷等第推賞仍令戶部立法申尚書省 十二月十三日發運司奏監倉場監官并催煎官員乞依熙寧舊法令本司與轉運司輪舉從之 二年二月三日詔罷措置淮南路礬事司併歸發運司依熙豐舊法官般出賣每歲上供賣礬錢

三萬三千一百貫令發運司依舊額起發先是大觀二年專置司措置而課額虧損故有是詔 七日發運使吳擇仁奏本司領東南大計逐路監酒稅課利自來未曾立法轉運司衆同支使欲令於諸路係省厯內據分數計結聲說出本司所總鹽酒稅錢逐時已支見在實數庶今後易為檢察詔除酒稅係漕司職事外餘依所乞 三月十三日發運司奏六路合發上供額斛如般發違一限從本司會算撥過江湖路自真州并兩浙路自揚州各至泗州上河一節支費闕本路出備撥還若已出未限即出備自真揚州至京錢米從之 十六日發運副使蔡安特奏乞今後諸路年額須管依縣限計

置般發足備嚴立要有申陳之法若實有緣故路分申  
降朝旨方許量減及展期限詔令戶部相度具兩無妨  
闕永久可行事狀明行措畫申尚書省將上取旨 十  
月八日尚書省言奉詔措置東南六路直達綱欲六路  
轉運司每歲以上供物斛各於所部用本路人般般運  
直達京師更不轉般仍自來年正月奉行其發運司見  
管諸色綱船合行分撥應副諸路餘令發運司應副非  
泛綱運從之 十二月十一日發運副使賈偉節言諸  
路舊欠發運司錢斛近降朝旨樁發七十餘萬貫應副  
打造舟船聽候朝廷支撥外有其餘錢斛淮南一百二  
十六萬兩浙二百二十六萬江東一十萬江西一百七

十二萬湖南九十八萬湖北二萬今來奉行直達不用錢本羅買欲逐年立定分數下逐路提刑司催督拘收封樁以備朝廷支用如違依上供法詔戶部均作十年令提刑司拘催 三年九月二十六日發運副使賈偉節奏臣嘗考州縣錢穀出入之籍有李易歲易有一歲而再易者各分事例吏緣為姦臣嘗倣周官數目凡要之法稽令甲都簿之名列為三簿一以付司錄官一以付軍資庫一委之之縣令參互以考其成則催科盈縮發納登耗如指諸掌不可以毫忽欺檢察之司提其綱領簡而不繁與磨勘理欠應在司條法各不相妨仍可參照為用臣嘗試於一路歲贖錢帛一十六萬有畸其



發納之可究者又亦倍是以其所嘗試度其所未試則諸路雖廣亦可推而行之謹以諸路財用綱目簿式繕寫成帙欲望聖慈特賜宣取詔令進入十月四日尚書省言檢會宣德郎黃唐傳劄子今州縣官每過監司巡按往往假託他事遠候於數里之外巡尉仍以警盜為名部領甲仗交會境上習以為常乞申嚴禁令今擬下條諸發運監司所至其州縣在任官既出城迎送以職事為名伴者同若受之者各徒二年並不以失及去官赦降原減石八政和職制初係創立衝改政和職制敕發運監司預宴會條內在任官出城迎送一節不行諸般運監司預妓樂宴會自用或作名目邂逅使令及

過茶湯之類同在路受排頓或受迎送般擔人般及帶  
公人兵級過數若為係公之人差借人馬者各徒二年  
即赴所部及寄居官用家妓樂宴會者加二等不應赴  
酒食而輒赴及受所至在任官諸色人早晚衙并諸色  
人出城迎送者杖八十近城安泊因公事往彼會議者  
並不以失及去官赦降原減其轄下官司各減犯人三  
等右入政和職制敕以職制敕詳定衝改元條不行從  
之 五年八月二十日詔諸路上供斛斗限滿有欠發  
運司官吏並同諸路運司一等科罪其今年諸路未到  
斛斗仍仰本司疾速督責催促件綱前來 十二月二  
十六日發運副使趙震奏臣今年督促起運六路直達

額斛六百二十萬並已數足外剩般四十七萬八千餘石及催促九路上供錢帛等比去年亦增五十八萬五千餘匹兩兼催發六路茶鹽鈔引各得增羨委是本司官協力幹辦伏望特與推恩詔發運司屬官蔡崇劉望曾偉並轉一官選人比類施行 七年正月十一日詔諸路上供錢物可自今除格令合支撥外發運使應敢陳請截撥及所在限滿不及數者並以違御筆論 九月二十一日制置發運使任諒奏奉詔江淮等六路上供額斛今歲除本色外泛糴之數多於常年江湖等路可以上限淮浙路可以次限並候至六月終仰任諒取首先足辦及拖欠數多路分各具漕司官吏職位名銜

聞奏當議賞罰以為勸沮逐路官吏皆能上體聖意措  
畫漕運六月終已般入汴計四百六十五萬四千一百  
二十六石欲乞優與旌賞詔任諒令學士院降敕書獎  
諭六路漕司官各轉一官仍仰任諒具合賞人職位姓  
名聞奏 八年四月二十六日發運使任諒奏蒙給降  
香藥鈔二百萬貫充糴本今來已入夏季乞將上件香  
藥鈔並令戶部交請樞管就便召西北客人入中見錢  
給算香藥却乞於東南諸路戶部上供錢內截撥二百  
萬貫詔香藥鈔一百萬貫不許兌換外特更於東南路  
截撥上供錢一百萬貫應副仍令江淮等六路剋刷措  
置廣行收糴 五月二十四日發運判官朱彥美奏發

運司久不理財全藉官屬協力措置欲乞添差等勾公  
事兩員踏逐京朝官選人奏差一舊管吏額自行直達  
裁減額數不少今來乞於轄下州軍指名押差諸曉財  
利人吏五人充填舊額一乞差小使臣一員充本司催  
轄諸路上供綱運兼剗刷錢物與理當一任所有人從  
請給等並乞依催轄綱運官見行條法詔添差管勾公  
事官一員仍差承直郎章英亮人吏差三名餘並依所  
乞 宣和元年正月二十四日詔今後六路漕司般發  
歲穀若出限拖欠仰發運司具弛慢官按劾當議重行  
黜責其承受發運司公文並限當日回報如有稽違及  
回報不實合干人吏委發運司一面關本路提刑司依

法斷罷官吏具奏聽旨 二月二十三日詔江淮荆浙  
發運司官吏般發歲額增剩萬數可與推恩內武臣依  
文臣四年法比折選人依條施行人吏減年候出職日  
收使願換支賜者聽管勾文字朝奉郎劉望宣教郎方  
迪勾當公事宣教郎鄭可簡通直郎宋晃各轉一官使  
臣人吏承信郎沈慨孫興之本司都吏陸遇等各減四  
年磨勘內陸遇特減裁今年月先次出職補承節郎依  
陳純已得指揮勾當公事奉議郎呂敏問宣義郎梅彥  
昇通直郎朱汝翼各減三年磨勘宣教郎李接承直郎  
章英亮管勾外排岸司朝請郎黃叔豹儒林郎張浹催  
轄綱運從義郎王章書吏安仲舉各減二年磨勘守闕

書吏趙林韓植副書吏趙思遠孫古張友各減一年磨  
勘七月二十一日詔發運司視六路豐儉轉輸和糴  
以供京師乃祖宗舊制曩因姦吏侵漁糴本成憲遂廢  
可自今歲糴米一百萬石同平額般運赴京封樁隨逐  
路豐熟次第以為糴數多寡漕臣措置有方及弛慢者  
並委發運司舉劾所用糴本限十日條畫以聞如敢蹈  
襲近弊抑配科率稍涉搔擾必罰無赦據沈括筆談云  
劉晏掌南計數百里外物價高下即日知之人有得晏  
一事予在三司時嘗行之于東南每歲發運司和糴米  
于郡縣未知價之高下須先具價申稟然後視其貴賤  
貴則取寡賤則取盈盡得郡縣之價方能契數行下比

至則粟價已增所以常得貴售要法則今多粟通達郡  
縣以數十萬石糴價與所糴粟數高下各為五等且籍于  
主者發運司粟價既定更不中粟收但第一價則糴第  
五數第五價即糴第一數第二價則糴第四數第四價  
即糴第二數乃即馳遞報發運司如此粟賤之地自糴  
盡極數其餘節級各得相宜已無枉售發運司仍會諸  
郡所糴之數計之若過於多則損貴與遠者而少增賤  
與近者自此粟價未嘗失時各當本處豐儉即日知價  
十月十六日發運副使葉宗諤言昨被旨根刷淮南江  
浙六路今年增添酒錢起發赴行在點檢得州縣多是  
妄以軍期為名移用侵數不少詔擅支數目並仰依限



補還今後收到錢數如敢移用仰依條按劾 二年四月十二日制置發運副使陳亨伯奏宣和二年二月七日聖旨東南六路和糴一百萬石許於六路提刑常平司朝廷封樁錢內支撥一百萬貫餘一百萬貫截撥上供錢今承江東路轉運司牒分糴米一十六萬石本路依格合起上供錢共二十萬三千九十餘貫依格專一指定應副收買銀綿及截支土軍請受外實只有七萬七千八百餘貫係是起發之數每歲却要上供錢一十七萬八千五百餘貫收買泛拋金銀綿紙羅計闕錢一十萬七百餘貫承都省批狀令截本路一全年無額錢七萬餘貫收買尚不足今來糴米一十六萬石全闕上

供錢截撥提刑提舉常平司封樁錢各有占用窠名外  
錢數不多闕錢收糴乞於本路合發新錢內截留應副  
及承兩浙轉運司牒和糴米二十四萬石本路雖有合  
發有額上供錢二十萬餘貫係專降敕條截撥收買法  
酒庫內酒坊糯米及上供金宮人衣綿左藏庫綿婺州  
鎮江府買花羅并依條買用錢二十五萬三千餘貫今  
來所拋封樁米約計本錢五十萬貫委無上供錢本司  
今據兩路公牒欲乞詳酌江東路截撥新錢特降指揮  
外乞令諸路將和糴本錢於本路上供錢及朝廷封樁  
錢內通融取撥不得過合撥錢數

謂如江東路合撥朝

廷封樁錢并上供錢各十六萬貫如上供錢無及不足

聽五撥上供錢通不得過三十二萬貫之類若兩色錢

各取撥不足即未委合取撥是何錢應副伏乞特降指揮詔東南和糴本錢合依已降指揮應係上供及朝廷封樁並行截撥仍許通融取撥如本路兩色錢各取撥不足即係通融別路錢應副二十八日詔已降處分

盧宗原糴到米斛並限十月終津發到京充御前封樁斛斛每歲以二百萬為額諸路歲額且令徑發上京兩不相干竊慮懷姦之吏不恤國計陰肆阻抑仰盧宗原疾速措置督責諸路漕司今年合發歲額及御前封樁斛斛須管依限到京旬具逐項已未到數目聞奏七月十四日發運司奏奉御筆江西路預降糴本八十萬

貫候將來秋成於豐熟處和糴粳米計置起發本司除  
已施行外今有蔡河撥發運司淮南兩浙江西湖南轉  
運司各權添差糴買官即未審從省部差注或本司權  
差詔先降權添差糴買官指揮一節更不施行 十九  
日發運使盧宗原奏起發糴本錢物乞選差近上有行  
止物力職員一名於本州見任文武官內輪差一員監  
催前來真州送納守臣當職官專一檢察如有侵欺移  
兌以違制依御筆科罪奉御筆依奏行下每歲終令宗  
原具逐路當職官勤惰以聞當議黜陟以示懲勸 同  
日又奏乞諸路起發錢物印給走厯於却納處繳厯驅  
磨如地分巡尉苟簡或至侵欺移易乞賜黜責詔依違

御筆論

二十三日發運判官陸寔奏甚會六路歲般

上供額斛裝起綱運便合於行程內批定色額却納去處近年以來轉運司不以上供為先務諸州發來上供斛斗不令元起州縣批定色額却令綱運前來轉運旋行批書往往臨時移兌或截作本路支用或改作別項色額或將州縣見管斛斗輒作剩餘變糶收錢別作支使而本年合發正額上供常是拖欠欲乞六路每年合發上供斛斗有裝起綱運即時於行程內便行分明批定係甚年分色額斛斗送納去處仍限當日依此開具先申尚書省及戶部并關發運司照會根催如違並乞從本司覺察舉按聞奏重賜責罰詔依

九月四日發

運使盧宗原奏奉御筆扣糴米一百萬用封樁上供鈔  
旁贍學四色錢每歲所糴米不過六十萬則是鈔旁贍  
學錢兩項中分合糴三十萬可令盧宗原增糴三十萬  
充還歲糴一百萬拘收過兩項錢數外餘依元降指揮  
用封樁并有額無額上供錢收糴臣勘會昨累降御筆  
及聖旨撥到經制餘剩并七色錢無額上供錢鈔旁定  
帖贍學錢及臣措置經收頭子錢六路樁還舊欠錢充  
本收糴轉般斛斛續承五月三日御筆盧宗原所拘收  
錢本可令不住於秋夏豐熟去處廣行收糴其已糴并  
去年收糴斛斛起發上京別項封樁臣勘會所收前項  
逐色錢物係散在九路州軍縣鎮逐旋零細收簇其所

糴二百萬碩尚慮收糴不足今奉御筆令取撥贍學鈔  
旁增糴三十萬充還歲糴一百萬自餘依元降指揮用  
封樁并有額無額上供收糴緣贍學鈔旁定帖錢無額  
上供錢見係臣拘收糴買御前封樁斛斛之數并封樁  
錢亦是臣所收經制七色錢內一色窠名顯是闕前奉  
御筆贍學鈔旁等錢已撥充御前封樁斛斛糴本歲以  
二百萬石為額永為定例增糴三十萬指揮可更不施  
行今後御前糴本不許陳請支撥令尚書省立法施行  
尚書省檢會 宣和七年五月十三日勅申明外若他  
路官司輒行陳請支撥御前封樁斛斛者以違御筆論  
從之 宣和三年正月十三日發運副使趙億奏臣契

勘諸路合發上供錢糧金銀匹帛雜物等綱在路多是  
妄作緣故住岸販賣百端作過其催綱地分官司容縱  
不行催趕臣欲乞今後應沿江河作催綱官司除依法  
催促綱運外如承發運司文移應緣綱運事務並限一  
日回報如違官員並許發運司先次選官對移合干人  
取勘仍委逐州通判李一點檢又奏西外宗室每年合  
用食米三萬碩係依先降朝旨令泗州排岸司於上供  
米綱內揀發白粳米批發前去鞏縣却納今年批發過  
安永康李端李日宣趙子儀四綱前去據京東排岸司  
稱大觀元年八月二十五日敕湖南路申請乞免截  
留往洛口指揮遂行截留趙子儀安永康兩綱就京岸



下却臣契勘安永康係兩浙路上供綱別無指揮免截  
顯是畏避前去西河與京岸人吏別有計會乞將京岸  
官吏送大理寺根究情弊今後應緣綱運在京岸住滯  
違法等事乞依熙寧二年九月八日已降朝旨許發運  
司覺察申奏差官取勘施行詔西外宗室米今後不許  
諸處截留及就京下却餘並依奏宣和四年十二  
月初七日敕發運使經制兩浙江東路陳亨伯奏乞應  
諸路州軍糴買上供并軍糧斛斗法酒庫并酒務公使  
庫糴米並委官置場不得拋下屬縣并於人戶行人處  
收買如有違戾乞重立刑名仍許被率取人戶越訴詔  
如違徒二年取到戶部狀檢會政和敕諸緣公使庫職

事輒委縣令佐管勾者徒二年勘會諸州軍公使庫屬  
縣收糴糯米合遵依政和條勅行所有其餘合糴斛斗  
自合遵依自來體例措置收糴詔宣和四年十二月七  
日指揮更不施行 七月一日發運副使呂滌奏准尚  
書省劄子向子諲奏江淮州縣自宣和六年起稅其經  
制司陳亨伯措置到七色錢乞於內將七路地契賣糟  
量添錢樁充糴本奏聖旨陳亨伯措置七色錢江浙被  
賊州縣起稅日並令呂滌拘收專充糴本內增添酒錢  
禍多及事屬詳細者令呂滌向子諲相度聞奏特行蠲  
罷契勘經制司昨措置到七色移用錢內一分寬剩錢  
及罷支學事司減下人吏等錢依原降朝旨候新復州

縣數納役錢足用并造簿日依條除落外止有酒糟增收契稅等錢別無苛細若候勾收專充糴本委實利便詔依 十八日發運副使呂滌奏勘會諸州收到經制移用七色官錢依奉聖旨拘收專充轉般糴本其錢並係散在諸路州縣多有充撥使用及起發稽滯欲乞於逐路或隔路每路各委見任官一員躬親催督根刷計置起發候至歲終取逐路催發到錢最優之人具三二名奏朝廷推賞用為激勸從之 十一月六日詔江淮荆浙福建七路所收七色錢昨係陳亨伯起請拘收充經制移用已降指揮候經制結罷令發運司拘收專充糴本可逐州委通判逐路專委應奉官拘催撥充轉般

羅本內福建路令發運司相度支移於近便去處收糶  
仍令應奉官每季開具拘催到錢數支樁去處申應奉  
司奉行違慢等應干約束並依贍學錢物已降詔施行  
八日詔今年上供未到額斛數多有誤中都歲計發  
運司官及最多路分漕臣當示懲戒呂淙徐宏中陳汝  
錫李侗並落職俞賙向子諲各降兩官范仲舉夢得李  
孝昌各降一官蔡傑蔡蒙休胡端平鄭待問各降一官  
衝替係事理稍重逐司職級手分有官人降一官無官  
人送置司州各決杖一百仍具合降官并決人姓名申  
尚書省仰呂淙等并其餘兩浙江西湖北路蔡河撥發  
司並限一月據未起斛斗盡數躬親催督起發上京如

限滿不到並將上取旨遠竄內發運司屬官別選能吏  
十九日發運司奏契勘江西湖南兩浙西路新起  
用勅告香藥鈔均糴斛斗已準御筆處分權暫和顧舟  
船般運合要管押人召募得替待闕及進納并實有行  
止物力人管押起發外本司相度欲乞從吏刑部每路  
各更差小使臣并副尉校尉一十人發遣赴逐路相兼  
差押綱運從之 六年正月二十六日發運判官盧宗  
原奏奉詔措置興復轉般倉欲於淮浙江湖廣福九路  
官司除淮浙江湖福建七路茶鹽司外應出納錢物每  
錢百文別收頭子錢一文應副修船招至人兵糴本支  
用從之 二月三日發運判官盧宗原奏契勘興復代

發轉般拘收州縣錢本計置和糴事務散漫合要清彊  
有材幹官分頭前去欲乞於本部見任官內不拘常制  
每路選差官一員前去所至比本司勾當公事候見次  
第具因依奏乞量與推恩如有不職亦乞重賜罪責從  
之 三月四日又詔許令隔路差官 五日詔去歲六  
路額稅不敷呂滌姑從褫職責其後効近據滌奏准差  
排發運仰專切促辦諸路年額及均糴斛斗先期到京  
所有興復轉般拘收糴本及結絕經制正專委盧宗原  
十六日發運副使呂滌奏兩浙被剗州軍正月至起  
租日實闕軍糧衣賜等已行檣留支撥外為滌依法輪  
當今年排運催遣奏計若更到杭州竊恐於發運司職

事妨廢乞就委兩浙應奉官孟庾交割杭州移用庫見  
管及本路州軍年終合椿移用月帳錢據被剗州縣契  
勘支撥具支過錢物關劉仲元及淙奉詔東南被賊州  
縣內有不係燒剗人戶輸納到錢物可以應副外今來  
經制司歲終結罷所有正月至起租日實闕衣糧等只  
合指撥的實數目貼支餘並椿充轉般糴本即不得輒  
有移易侵用 三月三日太府少卿李著等奏比年以  
來外路上供錢往往販賣行貨或移易他用到京交納  
方見少欠雖有發運司於真泗州選官點檢之法未嘗  
舉行除本寺依條取索行程歷點檢外今相度欲乞申  
明見行條法下發運司遵守仍今後應諸路上供錢綱

擅自移盜買販物色到京勘鞫得實候斷訖令大理寺具不點檢去處關報本寺從本寺申戶部奏劾詔依

八日發運判官盧宗原狀六路綱運水脚工錢漕司並不遵依諸州多稱闕乏今相度欲據淮南路每年合椿水脚錢二十一萬貫除本路合得錢六萬貫自行移那支遣將江湖兩浙五路合得錢一十五萬貫今淮南轉運司契勘管下州軍所入財賦多寡分拋椿撥令於酒稅課利內以十分為率每日以所收錢撥一分專作水脚錢謂如一州日收酒稅錢三百貫即令每日撥出錢三十貫之類須管依立定條限椿足別庫收管選曹官一員專領責知通點檢每月一次起赴真州本司交納



本司專責屬官一員管勾支遣所有兩浙路合支錢數亦從本司支撥於揚州鎮州瓜州鎮棧管就便委官支遣如諸州有違欠不椿日分或雖正收椿而輒敢別作支移其當職官更從本司點檢奏劾乞重賜典憲仍不以去官赦原從之五月十六日詔已降指揮興復轉般專委盧宗原措置拘收糴本限三年斛斗足辦所有上供歲額及均糴和糴斛斗呂滄專管竊慮諸路漕臣州縣官吏隱占移易糴本及妄作指準應已降指揮充轉般糴本錢物輒充他用以盜論雖有已降處分並合衝改前後指揮雖奉御筆支撥亦仰執奏不行直達須候轉般斛斗有次第日罷有司如敢奉行違戾仰盧宗

原呂綜奏劾並當重行黜責隱庇不言與同罪 六月  
五日尚書省檢會宣和六年正月二十七日勅發運判  
官盧宗原奏依奏御筆措置興復轉撥所有轉般舟船  
招置人兵支費浩瀚欲於淮浙江湖廣福九路官司應  
出納錢物一百文別收頭子錢一文足度支供到 政  
和四年四月二十六日勅荆湖南轉運司狀欲乞應給  
納係省錢物並許今每貫石匹斤兩束各收頭子錢五  
文足內物價如直錢一貫即收五文足若一貫以上或  
不及一貫者並紐計收納或舊收多處自依舊收專充  
裨助直達糧綱水夫工錢等詔依所申其應行直達路  
分依此正月二十六日詔東南九路除茶事司并六路

鹽事司外應諸司出納錢物每貫收頭子錢一十文省  
物以實直價紐計收納餘依 政和四年四月二十六  
日指揮應諸司二廣福建淮浙江湖等路收到錢並令  
發運司拘收充轉般糴本修置汴綱招置人兵使用江  
湖四路見收係省頭子錢係緣直達綱收納候行轉般  
日依此拘收 五月三日詔盧宗原拘收糴本興復轉  
般並係御措畫親筆處分無損漕計亦無取斂於民訪  
聞諸路漕司輒敢觀望指準補欠更不以上供歲額為  
意發運司官又欲以補欠為已功不復督責舉此以廢  
彼盧宗原所拘收錢本可令不住於秋夏豐熟去處廣  
行收糴其已糴到并去歲均糴斛斗並行樁管以御前

措置封樁斛斗為名所有諸路上供額斛除已代發過數合行截還外且令依舊徑發上京如違以大不恭論  
六月二十四日詔官師降指揮於六路漕司借舟船人物等般載官物之類並不得收接仍仰發運司執奏覺察如違以違御筆論 二十七日發運司盧宗原奏臣勘會淮浙江湖廣南福建九路所收鈔旁定帖錢依準先降御筆令臣拘收充發運司轉般糴本近奉今年五月三日御筆諸路斛額且令徑發上京盧宗原拘收到糴本專一收糴御前封樁斛斗及承五月十三日御筆御前措置封樁斛斗昨降處分委拘收贍學鈔旁定帖錢充糴本官司輒敢申請支撥或緣他事陰肆侵漁

或奉行拘收弛慢拖欠及借充移用者以違御筆論雖  
奉御筆特旨或免執奏亦具奏聽旨及仰諸路廉訪使  
臣覺察隱而不言與同罪每歲終令宗原逐路比較諸  
州奉行拘收錢本官吏勤惰各三兩員等第保明以聞  
准尚書省劄子四月二十八日奉聖旨諸路罷印賣鈔  
旁定帖令人戶從實自寫依官賣日所收錢數送納合  
同印記錢內淮浙江湖六路錢依至宣和二年七月十  
三日朝旨撥充糴本即是收糴六路歲糴封樞斛斗一  
百萬之數并廣東西福建三路錢令提刑司封樞竊恐  
諸路承受上項四月二十八日指揮疑惑合行申明奉  
御筆元非漕司常賦已令拘收可遵守今年五月十三

日御筆處分施行 高宗建炎元年五月二十八日准  
南江浙荆湖制置發運判官方孟卿言據翁彥國陳請  
經制司與發運司職事相關今來行在一切事務合用  
錢糧欲令發運司應副竊緣本司別無所入錢物只有  
朝廷降賜廣糴轉般代發斛斗錢本依元降專法不許  
別作他用雖奉特旨亦執奏不行其經制司與本司並  
不相干若依翁彥國所乞應副切恐有妨糴買致悞君  
國大計詔不許取撥 七月九日方孟卿又言諸路上  
供錢物不許擅用昨緣軍興諸處往往便宜支用乞從  
本司根究今年五月一日以後應絕用過上供錢物數  
目責令元截官司限一月撥還起發如出限不見起發

或隱漏不實即從本司奏劾重寘典憲從之 八月二  
日京東路轉副使李祐言諸路應副朝廷大計發運司  
最為浩瀚近年歲額未嘗數足蓋緣管押使臣不曾選  
擇又沿河居民盜買官米官司並不覺察致每運少欠  
不下數千石甚者至沉溺舟船欲下發運司選擇有行  
止無過犯能管押使臣沿流官司能覺察盜賣及不覺  
察去處重行賞罰及令本司官不住往來催促從之  
十二日詔差發運副使李祐自南京至真州往來躬親  
檢察措置催促糧運并應見在淮汴金帛錢物綱運限  
一日起發戶部給行程歷付李祐所至州軍府縣鎮關  
津官批上到發月日回日繳赴戶部點檢仍令祐督責

諸州縣當職官并催促直達綱及發運司幹辦官等亦給覺察催促綱運厯亦各每日批上行程縣知佐巡尉州通判及排岸催綱官從發運及逐路轉運司官點檢仍三日一次具所至檢察并催過綱運物數及逐綱押綱官職位姓名申戶部委張慤專一督察二年正月十六日措置財用黃潛厚言東南六路歲額上供斛斗計六百餘萬石今歲已過限尚有未般之數乞專責六路轉運司及發運司下逐路州軍根刷諸路應干綱船拘收每一萬斛團併為一綱募使臣管押至東京下卸訖至泗州排泊令發運司專差官一員在泗州將回運空船依元路分發歸逐路團併漕運兼察河撥發司亦



有未般斛斗並乞下撥發司依此施行詔依如根刷綱  
船官不拘收團併管押使臣却訖回運不至泗州排泊  
所差官在泗州不將回運空船依元路分歸逐路團併  
漕運各以違制論 五月十二日發運副使呂滌言祖  
宗舊法推行轉般本司額管汴綱二百每綱以船三十  
隻為額通計船六千隻一年三運趁辦歲計昨緣直達  
將所管汴綱分撥與六路近歲復行轉般雖勾收到八  
十一綱少有及三千隻之數雖依祖宗舊法於虔吉潭  
衡四州認定每年打造七百二十三隻為額兩年拖欠  
未打船共八百三十九隻本司先措置分於江地太平  
宣州江寧府等處打造糧船亦有拖下數目今欲於沿

流出產材植州軍以逐州所管縣分大小多寡均認添造糧船一千隻并四州舊額拖下及江東諸州催促未到舟船通共二千餘隻並從之六月五日呂綜又言見於江湖四路打造糧船合選差彊幹官監轄催督及差委使臣隨行點勘工料欲依——大觀四年發運判官王琦打造未足額船一千隻辟差幹辦公事四員依本司幹辦公事例從之紹興元年二月七日尚書省言軍儲在昔並係發運司總領收糴轉般代發以充國用邇來淮南湖北已行分鎮又兩浙行在駐蹕自有本路漕臣應副餘路收糴糧斛亦係州縣官應辦其發運司所差屬官并使臣甚衆侵耗財計今欲存留主管文

字幹辦催促綱運官一員外餘並罷從之 六月十六  
日發運副使宋輝言全少綱船漕運妨闕乞將兩浙州  
府抽稅竹木內權行通撥五分付本司打造鐵頭船般  
運行在軍儲詔依內臨安府抽稅竹木以十分為率轉  
運司并本府各四分將二分應副發運司使用 八月  
六日詔發運副使宋輝取撥浙西路逐州軍見管坊場  
增添五分淨利錢與已支降官告度牒師號等相兼品  
搭專充糴本支用仍先具日前見在合取撥數目中尚  
書省其已後收到錢仰宋輝專一拘收樁管具每月約  
收錢數申朝廷聽候指揮支降方得支使 十一月五  
日詔發運司復置糴責官二員從發運副使宋輝之請

也 十二日詔發運司於饒州置司催促到諸路上供  
錢糧於洪州饒州及近便沿流州軍橋管如無朝廷專  
降指揮諸司州郡擅行充那移用者徒二年逐州差監  
倉一員令本司不以文武官差辟若漕司州縣官橋發  
上供弛慢不職令本司按劾從發運使湯東野之請也  
二年三月七日臣僚言發運一司官吏軍兵請給歲  
糜錢無慮十六七萬緡初無一毫本分職事臣常考國  
朝舊制江淮兩浙荆湖南北路每歲租糴運至真揚楚  
泗州置轉般倉納汴流漕運入於中都於是命發運使  
領之凡此六路州縣凶歉之處則許民輸錢入官本司  
於豐熟去處糴米以足歲額率以為常公私兩便 舊

制有都大發運使副使判官使以兩省官或待制尚書  
郎以上充副使判官以朝官以上充其後為制置發運  
使 紹興二年臣僚以謂既有諸路轉運使以職轉輸  
發運司本無職事虛糜緡錢罷之八年復置經制發運  
使九年罷 孝宗乾道六年三月二十八日史正志除  
戶部侍郎江浙京湖淮廣福建等路都大發運使四月  
一日史正志言得旨發運司於江州置司所管事務糾  
斗催發綱運茶鹽鑄錢理欠貿易官吏乞差主管文  
字幹辦公事各二員糴買催綱各二員文武通差人吏  
十五人使臣併兩司員數舉官改官十五員令狀八員  
從之 同日詔准東總領所既併歸淮西存留幹辦公

事二員歸發運司 十九日史正志言本司依已降指

揮差屬官員數乞於見任寄居待闕官內不以有無違礙踏逐選差分頭管幹乞先降省劄理為在任月日候將來措置稍見次第願乞辟正者申奏朝廷給降付身

二十三日詔朝廷修復舊典置發運官講求裕民之政以豐邦儲又使總外計者副之欲遠近一體務在協濟其諸路監司守臣宜各體朝廷責成之意毋得違失

二十四日詔許子忠等一措置鼓鑄錢併入發運司

應鑄錢職事並隸本司措置 六月十八日史正志言

諸路州軍及帥司公使自有立定歲賜錢數雖在法微利聽撥入公用如賣醋收息一歲所入不貲盡入公使

以資妄用戶部不曾檢察措置欲於十分內撥五分赴發運司貼助糴本仍專委逐郡通判縣丞逐日拘收椿管逐旬申本司伺候起發從之 二十六日史正志言蒙朝廷支降錢本措置貿易及拘收州軍起發到糴本等逐色窠名錢物於本司交納萬數至多合行置庫一所除見自行計置修蓋庫屋外乞以都大發運使司貿易糴本庫為下文文思院降給印記從本司辟差使臣二員充監官理為資任具申朝廷給降付身并置專知官手分庫子各一名其監官除本身請給錢別給錢專庫手分請給並依總領所鄂州大軍庫監專等見請則例支破如搜檢出入官物火禁亦依大軍庫體例從之

十月十一日史正志言自閏五月二十五日到江州  
本司至九月終檢察拘收到諸路監司州郡寬剩失陷  
歲椿錢米金銀共計錢二百八十萬一千五百一十七  
貫五百八十四文省兼檢察到州郡監司除椿撥朝廷  
歲計外寬剩錢米共計錢六十九萬五千五百四十九  
貫三百四十六文省詔令戶部盡數拘收應副諸軍  
食等支遣從之 十二日詔都大發運使司可就行在  
置司其外路職事仍依舊時復巡歷 十二月二十八  
日詔史正志職專發運奏課誕謾廣立虛名徒擾州郡  
責授楚州團練副使永州安置其發運司可立近限結  
局王佐理財無方則虧常賦特降三官放罷 三十日



中書門下省言勘會發運司已降指揮立限結局所有  
昨來支降糴米其貿易錢本并本應干見在錢物米斛  
萬數浩瀚緣發運司官屬人吏公案見在行在理合委  
官驅磨詔差大理正兼權度支郎官單慶日下拘收公  
案逐一點檢具數申尚書省 同日中書門下省言勘  
合發運司限日結局所有見在應干錢物米斛理合拘  
收詔差程絳候送伴回日就便前去具數申尚書省

宋會要

# 轉運使

咸平元年六月命近臣舉轉運上常語參政李至曰凡舉官宜先擇舉主以類求人今外官轉輸之任最切卿等可先擇人而令舉之越明年河東轉運使宋博經制饋餉以幹治稱朝廷難其代凡十一年不徙

宋會要

左

大中祥符二年四月定監司舉主賞詔運使提刑所舉官如後五年無過有勞幹者特獎舉主又謂宰臣曰舉官犯贓則連坐而舉得其人者賞亦弗及非所以為勸也故有是詔十一月詔論監司失察罪分天下為郡縣總郡縣為一道而又總諸道於朝廷委郡縣於守令總

守令於監司而又察監司於近臣此我朝內外之紀綱也故欲擇守令必責之轉運欲舉轉運必責之近臣既嚴連坐之罰又定舉官之賞而失察者又有罪賞罰行紀綱正矣然賞罰但行於已舉之後舉官當擇於未舉之先蓋惟正知正惟邪知邪善惡各以類至此真宗所以先擇舉主也

宋會要

五

寶元元年復置轉運使廢罷之之初上封者屢以為非便設少運徙陝西奏前為淮南轉運使時偶值豐年而上供之數得以辦集然諸路各任所見無所統制恐經久誤大計遂復之

宋會要

卷

淳熙二年十二月十六日宰執奏湖南二漕皆闕上曰  
只得一漕足矣用兩漕事不專一李孝穎奏漕司錢物  
若置兩漕倍有費耗向來浙漕率用兩人財賦為之一  
空近日止除一漕亦不闕事況他路乎 三年五月二  
十八日詔尚書省取諸路漕司三年歲入攷酌中之數  
立為定額依舊催趲歲具收支帳狀申尚書省仍開具  
作何支破不應支破者令備償其見在錢封樁待用既  
而臣僚言今日財賦欺弊可以糾察者如轉運司移用  
錢及一分五厘錢二分折酒錢拘收有至二三十萬緡  
撥入公庫餽遺巧作支破此錢多取之酒稅六月二十

七日詔廣南東路轉運使副任滿轉一官轉運判官減  
二年磨勘 六年三月十九上謂輔臣曰諸路漕臣職  
當計度欲其計一道盈虛而經度之今則不然於所部  
州郡有餘者取之不足者聽之逮其乏事從而劾之吾  
民已被其擾矣朕今以手詔戒諭俾深思古誼視所部  
為一家周知其經費而通融其有無廉察其能否而裁  
抑其蠹耗庶乎郡邑寬而民力裕也詔具戒敕官吏是  
年九月明堂赦令諸路漕臣限一月各具合如何經度  
通融事件以聞四月二十一日詔成都轉運司每歲管  
認成茂州省計錢引五千道令照應今年三月已降手  
詔將有餘去處通融應副從四川總領所請也 七月

二十六日詔諸路漕臣約束所部州軍不得科擾病民  
常切覺察如有違戾去處具名按劾漕臣失於覺察亦  
重寘典憲以將作監潘緯論州縣之弊大率守臣到官  
首請屬邑責認財賦數足還邑謂之獻助去僚佐下邑  
點檢責認解發抑無為有謂之剝剝州納二稅既倍收  
耗重價折科又刷具合零就整謂之時零酒稅不用祖  
額逐年增加謂之遞年課利錢物鈔狀既到先  
填舊欠到令催發謂之改鈔春冬衣賜別定數目貶降  
拘催謂之軍衣又有曰無額經總制曰補虧曰州用曰  
版帳曰綱目曰格目曰月格曰青冊子之類名各不同  
科取於民宜責漕臣痛行蠲除其守令循良者使之論

爲時加旌別並緣括克者按劾以聞重寘典憲故有是  
詔七年三月十五日四川制置使胡元質言闕外階成  
西和鳳州各有歲計可足州用緣轉運司盡行拘催別  
置倉庫自行收受每歲量行拋降由此州郡匱乏不免  
苛取於民乞下利州路轉運司將每年抱認數目許各  
州合發漕司錢物內徑行截留從之 十八日詔諸路  
漕臣限一季與所部州縣商度賦入通融其有無者有  
幾裁抑其蠹耗者又有幾仍條具以聞令三省置籍稽  
考殿最以議賞罰從臣僚請也 八月二十四日詔兩  
浙轉運司營運日下住罷 十一年五月一日詔今後  
兩浙轉運司應干奏劄奏狀並令於通進司投進十六

年正月二十八日詔自乾道以後創置修內司等處兼  
轉運司準備差遣人元非舊例可並罷今後更不差人  
紹熙元年五月一日臣僚言恭親淳熙六年三月十  
九日壽皇聖帝御筆手詔戒諭諸道轉運視所部為一  
家周知經費而通融有無竊見諸州財計優餘窘匱誠  
不能相等欲乞嚴飭諸路漕臣確意遵守淳熙六年詔  
旨必行通融使無有餘不足之患從之



宋會要 察訪使

神宗熙寧三年八月十六日同判司農寺呂惠卿言比  
歲以來累降詔旨訪求農田利害中官司未有應令繼  
命輔臣經制其事具為條約付與諸路使之推行皆有  
成法如聞逐司自被朝旨只是讎錄行下即未能用心  
講求申明法意曉諭州縣責以成效以故至今未有報  
應雖數告諭催促期以歲月當行考察及已有察訪指  
揮而所在官吏玩令如故臣以職事在於兼領宜糾不  
職以信典憲又緣本寺未曾施行且令具錄元降條約  
畫一牒逐司問其從來節次施行之狀諭以向去檢舉  
督察之方仍且聲述朝廷前後所降約束要在必行尚

慮逐司未即呈稟乞賜戒教仍乞將先降差官察訪當  
行考察等指揮卽次舉行繼之以實使人人知其不為  
空文則令遵而事立矣其行下逐司牒一道隨狀繳進  
詔候來年合察訪取旨差官餘並從之四年九月二十  
八日命檢正中書刑房公事李承之察訪淮南兩浙常  
平及農田水利差役事令與轉運判官以上序官仍使  
體量近降監法六年三月二十五日又命李承之察訪  
永興秦鳳等路五月命檢正中書戶房公事熊本察訪  
葭州路太常丞直舍人院鄧潤院權定州推官館閣校  
勘呂升御察訪京東路六年命檢正中書刑房公事沈  
括相度兩浙水利兼察訪七年四月二十三日命龍圖

閣待制兼樞密都承旨曾孝寬充河北東路兼青鄆齊  
濮州察訪使九月命中書檢正五房公事李永之察訪  
河東路兼提舉義勇保甲十二月命檢正中書戶房公  
事滿宗孟察訪荆湖南北元符元年十月六日大理寺  
言察訪使司應州縣若非當路別無察舉事者聽不遍  
到已經兼司若專制總領官而行遣未審當或失於察  
舉者聽察舉事小者牒本司改正大者以聞涉情弊者  
申尚書省委隣路官推治隣路係本察訪路分者聽直  
牒內係命官仍具奏聞從之

宋會要 招討使

熙寧八年命知延州天章閣待制吏部員外郎趙鼎為  
安南道馬步軍行營招討使建炎四年詔張俊招討江  
南其應用錢糧草料令本路運使及本路州軍縣鎮不  
以封樁不封樁取撥應副差隨軍轉運使一員仍仰本  
路都轉運使湯東野專一同共協力應副令戶部支降  
銀絹各五千匹兩俟起離行在處及一月許犒設一次  
紹興五年詔岳飛招討飛先任制置使已除檢校少  
保增重使名故也 六年二月十九日樞密院言岳飛  
昨克湖南北襄陽府路制置使日依第二等奉使條例  
發運監司並用申狀外兼張俊任江南東西路招討使

日除安撫大使司公牒外其餘帥司並用申狀今來岳  
飛已改除湖北京西南路招討使理合申明詔並依條  
例施行 十年六月制以少師兼節制鎮江府韓世忠  
特授太保兼河南北諸路招討使封英國公少傅鎮洮崇  
信奉寧軍節度使克淮南西路宣撫使兼營田大使張  
俊特授少師兼河南北諸路招討使封濟國公武勝定  
國軍節度使開府儀同三司克湖北京西路宣撫使兼  
營田大使岳飛特授少保兼河南諸路招討使如故  
三十一年十月四日以四川宣撫使吳玠陝西河東  
路招討使大一統志吳玠紹興三十二年以四川宣撫  
使除陝西河東路宣撫招討使其年春領兵收復散關

及和尚原璘遣其子挺及都統制姚仲率東西兩路兵  
攻德順金人左都監自熙河以兵由張義堡駐鳴沙會  
平涼之師來援挺率兵戰於瓦亭大破之這別將復原  
環二州三日諸將攻德順久未下璘知士卒有怠志即  
單騎自秦州星馳視師自擁數十騎造四城傳呼南北  
之人服璘威名思識顏面一聞璘之來士氣百倍金騎  
遁去遂服德順軍市不易肆璘入城父老迎拜馬首幾  
不能行高宗命虞允文以兵部尚書克川陝宣諭使齎  
詔勞璘允文至秦州聞璘在德順即揚鞭而馳見璘共  
議軍事遂遣兵攻破熙州繼攻鞏州克之六月孝宗即  
位賜親札嘉勞璘與允文曰商榷恢復關故地允文謂

璘曰敵必再爭德順不可少緩璘以為然乃馳赴城下  
允文回秦州調度軍用德順之東曰東山北曰北嶺東  
山小而可守下瞰城中北嶺形勢延接實控扼之地璘  
至則連營北嶺掘重壕築深塹開戰道益為不可犯之  
計且指視諸將以金人他日所營已而敵果大至合完  
顏悉力兵十餘萬正營所指之地有敵先引數千騎出  
視東山去巢穴稍遠擊之狼狽趨營既乃大開壁出師  
苦戰自旦及晡敵收先退入壁自是堅守不動露露萬  
戶復請精兵自鳳翔來援初璘一軍當北嶺下俾城下  
寨敵騎又以馳突至是璘下令夜移入城將士不知所  
謂頗有口語既旦敵果合兵大出直至其處已無所得

乃謹譟城下璘命偃旗卧鼓士無敢譟諸將請戰不應  
迨日昃敵氣已惰令諸將鳴鼓直衝其營賊大駭遣諸  
將襲敗之當時非璘徙城下之營則敵幾得志時敵既  
守不出挺請挑戰以奇兵播虛聲璘令列陣城下調敵  
閉營璘則就以其陣移上東山築堡以守時雨雪大寒  
凍不可入則燒土而掘之連夜堡成而敵忽至極力爭  
之殺傷幾半諸將嘆璘之多算敵自是失三路形勝璘  
調諸將益出兵至秦州允文疏璘勲績以聞孝宗詔褒  
之金人潛軍永洛城開道隴山以示我出奇實亦自便  
歸計璘乃部署諸將分屯要害且益出蜀口之師分德  
順兵歷陣內外相合以擊之敵又謀進兵取鳳翔俄有



詔班師以鎮江駐劄御前軍都統制淮南浙西江東西  
路制置使劉錡克京畿淮北京東路河北東路招討使  
以主管侍衛馬軍司公事克湖北京西路制置使節制  
兩路軍馬成閔為京西路河北西路招討使 十一月  
二十五日以主管侍衛馬軍司公事克湖北京西路制  
置使京西路河北西路招討使成閔依前主管侍衛馬  
軍司公事兼鎮江府駐劄御前諸軍都統制淮南東路  
制置使京東西路淮北京宿州招討使以鄂州駐劄御  
前諸軍都統制吳玠湖北京西路制置使京西北路  
招討使

宋會要招撫使

紹興十年五月二十六日制以少師護國鎮安保靜軍節度使劉光世特授太保三京等路招撫處置使光世言每月公使錢乞支給二千貫乞差叅謀官叅議官主管機宜文字書寫機宜文字幹辦公事准備差遣點檢醫藥飯食帶見任或新舊任請給或不願帶行每月別給錢內叅議官各五十貫主管及書寫機宜幹辦公事准備差遣各三十貫點檢醫藥飯食二十貫從之仍令戶部支降銀絹各三萬疋兩錢二十萬貫一十五兩數金腰帶二十條十兩數金束帶二十條充激賞令所至州縣并漕臣專一應副如有違誤仰按劾聞奏光世言

本司被旨結局所有先差置屬官欲望添差差遣或與  
先次占射差遣一次詔依省罷法 孝宗皇帝隆興元  
年八月十二日詔安慶軍節度使捧日天武四廂都指  
揮使克鎮江府駐劄御前諸軍都統制劉寶兼淮東路  
招撫使節制本路軍馬 二年三月二十八日詔保平  
軍節度使龍神衛四廂都指揮使建康府駐劄御前諸  
軍都統制王彥兼淮南西路招撫使節制本路軍馬  
開禧二年四月二十四日詔寧遠軍承宣使鎮江府駐  
劄御前諸軍都統制兼知揚州克淮南東路安撫使馬  
步軍都總管郭倪兼山東京東路招撫使武經大夫鄂  
州江陵府駐劄御前諸軍都統制趙淳兼京西北路招

撫使武德大夫權發遣襄陽府主管京西南路安撫司  
公事馬步軍都總管兼江陵府駐劄御前諸軍副都統  
制皇甫斌兼京西北路招撫副使合行事件各許便宜  
施行訖聞奏

宋會要 撫諭使

高宗建炎元年五月七日詔尚書右丞呂好問兼門下侍郎為京師撫諭使二十八日上謂輔臣曰金人肆毒中國生靈塗炭比雖下詔多方凡經殘破州縣優加循恤若未盡也可遣使諸路撫諭八月二十八日詔昨金人入寇朝廷命令隔絕賊盜騷擾民不奠居近朝廷已措置捍禦金賊掃蕩羣盜崇儉除苛弛役薄歛凡不便於衆者悉行蠲除稍向就緒令學士院降詔差官撫諭及體訪官吏廉謹勤恪軍民利病以聞兩浙東西福建路差兵部郎官江端友荆湖南北廣南東西路差殿中侍御史馬紳淮南東西路江南東西路差監察御史冠

防河東路就差王瓌河北路就差馬忠陝西路就差錢  
蓋四川就差俞汝礪京東西路京西南北路差吏部郎  
官黃次山朕紹膺駿命寅御寶圖以萬方之戚休為一  
體之舒慘思敷渥澤溥潤黎元日者姦臣隳敗邊防湖  
騎凌犯京邑是以盜賊伺其間隙郡縣為之殘破井邑  
蕭然田疇荒矣毒流民體痛軫朕心每一顧瞻為之流  
涕雖號令間阻者半載而臣民愛戴者一心惟祖宗德  
澤之深致海宇懷來之固豈朕非薄所敢遽寧惕然若  
涉春冰懷乎如馭朽索夜分忘寐日再御朝補緝政綱  
講究民瘼捍禦北戎之備亦既圖嚴蕩平羣盜之姦幾  
於弭息以至崇節儉之至樸除繁苛之細文弛役蠲徭

薄征輕歛凡不便於衆者急有聞而罷之若時所為稍  
向就緒是用分遣信使具宣恩言及官吏之勤惰廉污  
雜於並進與兵民之利害疾苦壅於上聞咸俾周詢盡  
期洞照將大明於陞黜且悉議於革因嘉與多方復躋  
至治誕告爾衆咸體朕懷 十二月二十三日京西路  
計度轉運副使李茂誠言已降指揮遣使逐路撫諭欲  
就委點檢忠義巡社以逐路三五處奉行優劣者賞罰  
之庶幾有以激勸詔令逐路撫諭官因就體究已未就  
措置次第并有無抑勒搔擾等事條具聞奏 三年二  
月二十六日詔差吏部郎中方聞撫諭淮東 四年正  
月二十四日中書舍人充兩浙江西湖南撫諭使李正

民言面奉聖訓奉使所至州縣應常程簿書刑禁並免  
取索點檢惟官吏能否依法具奏外其民間事干州縣  
實負屈抑今欲並聽陳訴即為伸理從之 八月二十  
六日宣教郎撫諭舒蘄等州周虎臣言乞以舒蘄等州  
撫諭司為名從之 紹興元年十月六日監察御史胡  
世將言被旨差前去福建路撫諭乞以福建路撫諭司  
為名及依第二等奉使條格施行並從之以范汝為賊  
黨未平有旨令世將招收仍降詔曰爾等素懷忠義為  
國宣力比緣闕食因而嘯聚原其所自實非本心今遣  
使招收應日前罪犯一切不問特與赦免仰將被虜脅  
從之人給據放散令胡世將具首領姓名具奏 議推



恩 十二月二十一日詔差秘書少監權吏部侍郎傅  
崧卿充淮東宣諭使賜淮東州縣撫諭詔曰朕惟祖宗  
覆育海內垂二百年愛惜元元同於赤子迺者禍發所  
忽胡虜內侵二聖往征中原大擾顧朕崎嶇遷避粵在  
海隅嘗膽痛心靡忘宵旰思欲救民塗炭與之更生眷  
爾淮東最近行在曩自未經兵火國已困於官司調役  
頻煩科歛苛重賦租之入取足於灾傷逃亡之後權販  
之課責辦於陷折顛沛之餘凡所當施於民者畧不及  
施而所欲取於民者殆無不取民受其害以及比年寇  
盜相仍亦唯爾淮甸之間被禍尤酷蓋十百有一僅獲  
生存而又漂蕩零丁顛顛困苦日不堪命朕甚愍之是

宜剗革蠹弊振拔累蓄以加惠一方俾獲蘇息就委傳  
崧卿採訪民間利病條具奏上即議罷行所有人民見  
今歸業而官吏多闕撫存未至種糧全乏耕作無資仰  
傳崧卿與營田等司及州縣長吏多方措置期稱朕意  
惟兵賴民以養民恃兵以安必得百姓不失耕桑之時  
然後三軍不乏廩給之奉淮東將士素著忠義已令獎  
諭犒賜勉力守禦庶幾更相風勵保護吾民助朕再造  
之基實自茲始朕意懇切非事空言咨爾軍民其各體  
悉 二年十二月十五日詔駕部員外郎李愿差克川  
陝撫諭官迪功郎潘棐差充撫諭官下幹辦官令李振  
下差兵級五十人使臣一員京畿第二將下差兵級五

十人使臣一員並令給券候回至行在日住給逐州差  
兵級一百人兵官一員護送逐州交替二十三日詔吏  
部郎中周隨亨差充川陝撫諭官與李愿同行給券外  
各支賜銀五百兩候回日並與陞擢差遣 三年四月

二日權知虢州董震言京東西淮南陝西州縣蓋緣並  
罹兵革道路梗澁詔令久失頒降上下之情不通無以  
慰安遂使遠方死節之士傷殘凋弊之民無所赴愬伏  
望聖慈察遠方軍民戀慕之心時降詔音遣使安諭庶  
使德澤普浹生靈咸知朝廷恩意以慰來蘇之望今來  
鄰近有未反正州軍亦乞降詔慰諭或只付臣轉送庶  
得人人知有自新之路詔令學士院降詔獎諭董震仍

給空頭敕書二十道令就便撫諭七月宰執進呈撫諭  
韓世忠軍士勅榜條目上曰卿等更加改定又不可太  
文使三軍通曉春秋時楚圍蕭蕭潰申公巫臣請楚莊  
王曰師人多寒王巡三軍拊而勉之三軍之士皆如挾  
纊言之感人深也如是令撫勉世忠軍士宜倣此八  
年正月二十八日臣僚言竊聞淮南之民自聞車駕欲  
還浙西妄意朝廷不復經理淮甸日夕惴恐不遑寧居  
州縣官吏不能撫綏反更搔擾常賦雖有寬恤之詔而  
橫歛每出無名監司坐視公然容縱不復宣布陛下德  
澤即日隴畝荒廢少人墾耕若更逃移蓋難興葺欲望  
遣官通行撫諭案察騷擾之吏綏懷疲瘵之民使知陛

下雖暫南巡不忘北顧安於農業為永久之計詔令逐  
路監司遍詣州縣撫諭如有搔擾去處按劾以聞仍曉  
諭民間通知 孝宗乾道元年十一月二十七日詔昭  
慶軍承宣使知閭門事兼客省四方館事幹辦皇城司  
龍大淵差充兩淮撫諭軍馬二年正月十五日龍大淵  
兩淮撫諭軍馬回有旨限五日結局

宋會要鎮撫使

高宗建炎四年五月二十日宰執進呈分鎮文字擬江北諸鎮許令世襲上曰若便許世襲恐太重當俟其保守無虞然後許之二十二日宰臣范宗尹等言聚議分鎮事宜諸鎮帥臣乞以鎮撫使為名欲將京畿湖北淮南京東京西州軍並分為鎮其陝西四川江南兩浙湖南福建二廣路並仍舊制諸鎮除茶鹽之利國家大

計所繫所入並歸朝廷及依舊制提舉官外其餘監司  
並罷所有財賦除上供錢帛等合認數送納與權免三  
年其餘並聽本鎮帥臣移用更不從朝廷應副管內州  
縣官並許辟置內知通令帥臣具名辟奏朝廷審度除  
授其官吏廉汙勤惰並許按察升黜所管內州軍並聽  
節制遇軍興許以便宜從事其帥臣不因朝廷召擢更  
不除代如能捍禦外寇顯立大功當議特許世襲從之  
仍令學士院降詔詔曰周建侯邦四國有藩垣之助唐  
分方鎮北邊無夷狄之虞永惟涼眇之資履此艱難之  
運作黎元之父母未能除喪亂之憂保祖宗之土疆無  
以掾侵陵之患遠巡南國久隔中原蓋因豪傑之徒各

奠方隅之守是用考古之制權時之宜畫野離疆成就  
瓜分之勢折衝禦侮無尾大之嫌繼自荆淮接於畿  
甸豈獨植藩籬於江表蓋將崇屏翰於京都欲隆鎮撫  
之名為輟按撫之使有民有社得節制於境中足食足  
兵聽專征於閫外若轉移其財用與廢置其屬僚理或  
應聞事無待報維寵光之所被既並享於終身苟功烈  
之克彰當永傳於後裔尚賴連衡之力共輸夾輔之忠  
期捍禦於寇戎用獎扶於王室咨爾列辟體予至懷  
二十四日詔以翟興為河南府孟汝唐州鎮撫使兼知  
河南府趙立為楚泗州連水軍鎮撫使兼知楚州薛慶  
為承州天長軍鎮撫使兼知承州劉位為滁濠州鎮撫



使兼知滁州趙霖為和州無為軍鎮撫使兼知和州吳  
翊為光黃州鎮撫使兼知光州李成為舒蘄州鎮撫使  
兼知舒州李彥先為海州淮陽軍鎮撫使兼知海州  
同日三省言京畿等路州軍既分為鎮撫使其逐路安  
撫使欲並罷却令鎮撫使帶馬步軍都總管其鎮撫使  
司官屬欲令置叅議官一員書寫機宜文字一員幹辦  
公事二員並聽奏辟鎮撫使除授並命詞給告從之  
二十八日上宣諭輔臣曰布衣程康國上書論分鎮十  
事內有一事四鄰有警令即應援此似可行是日進呈  
詔令諸鎮戮力悉心藩屏王室外惇睦鄰好救災恤難  
如有外寇侵犯更相應援或能解圍却敵當議推賞

六月十日詔陳規除德安府復州漢陽軍鎮撫使兼知  
德安府解潛除荆南府歸陝州荆門公安軍鎮撫使兼  
知荆南府程昌禹除鼎澧州鎮撫使兼知鼎州陳求道  
除襄陽府鄧州鎮撫使兼知襄陽府范之才除金  
均房州鎮撫使兼知均州馮長寧除淮寧順昌府蔡州  
鎮撫使兼知淮寧府十一月臣僚言近者措置分鎮  
以捍禦寇戎扶獎王室實為良策萬一諸鎮或於奏報  
之間別有意外之請朝廷亦宜明告以分畫已定措置  
已詳信在言前不可損益脫或更易則必開爭端此必  
信不渝之實也始終專務誠實則諸鎮皆知朝廷重信  
如此必能謹其常職蔑有覬覦將同心戮力以圖夾輔

之勲矣臣所謂維持悠久之術實在於此詔令三省樞  
院遵守 九月九日詔鎮撫使不得擅離本鎮 十一  
月六日詔諸路鎮撫使行移關牒等並依安撫使見行  
體例紹興元年三月七日荆南府歸峽州荆門公安軍  
鎮撫使兼知荆南府解潛言乞權增置主管機宜文字  
一員幹辦公事二員及添置準備將領準備差遣準備  
差使各一十員准備使喚二十員內聽候差使仍乞不  
限員數並許踏逐選官辟置候將來事宜寧日罷並從  
之 九月二十一日詔河南府孟汝唐州鎮撫使翟興  
襄陽府鄧隨郢州鎮撫使桑仲金房州鎮撫使王彥淮  
寧順昌府蔡州鎮撫使李祐互相救應一處有急候文

字到別鎮方許出兵 二年閏四月二十八日荆南府  
歸峽州荆門公安軍鎮撫使解潛言欲乞更添置議官  
一員准備幹辦官五員詔許添叅議官一員幹辦官兩  
員 十一月一日詔江北州軍帥臣郡守遇緊急即互  
相關報統率人馬應援若依前坐視致鄰近疎虞元承  
關報帥守重寘典憲 三年正月十九日詔武功大夫  
袁州防禦使李橫授襄陽府鄧隨郢州鎮撫使兼知襄  
陽府 四月二日詔武翼郎闔門宣贊舍人權知虢州  
兼安撫節制商陝虢州軍董震特轉武節大夫除遙郡  
刺史依前闔門宣贊舍人差權商虢陝州鎮撫使兼知  
虢州先是震率西京界翟琮董實各將所部復歸本朝

於今年正月三日并兵收復西京擒獲偽留守孟邦雄等董震兵馬最多士卒畏服故有是命 同日詔已除董震權商號陝州鎮撫使緣本鎮耕種未廣令宣撫處置使司斟量郡縣應副糧食無令闕誤 五月二日詔武翼郎兼閤門宣贊舍人河南府孟汝唐州鎮撫使兼知河南府翟琮特授利州觀察使克河南府孟汝鄭州鎮撫使兼知河南軍府事琮率衆還朝忠即可尚故有是命 四日河南府孟汝鄭州鎮撫使翟琮言本鎮緩急賊馬犯境無兵應援緣朝廷在遠道路梗澁奏報不及又本鎮不係處置司張浚宣撫地分乞將本鎮依金均房州鎮撫使王彥例亦隸宣撫處置使司從之 七

日詔武功郎董先授武功大夫吉州觀察使差克商虢  
陝州鎮撫使兼知虢州先是鎮撫使崔琮言昨遣董先  
自收復商虢州之後葺治數郡軍民畏愛敵人不敢侵  
犯已依便宜旨揮差權商虢陝三州經略安撫使提兵  
往來捍禦賊馬撫綏軍民措置收復本路臨汝州縣并  
昨來歸正人理宜褒賞故有是命 六月一日樞密院  
言鎮撫使解潛李橫兩鎮地界相接各處大江下流控  
扼川陝京西等路最為衝要竊慮緩急侵犯不務更相  
應援有失枝梧詔劄與解潛李橫各務體國協和敦睦  
鄰好訓練士卒遇有賊馬侵犯不得輒分彼此致失機  
事